

## **8 ТАҚЫРЫП. ЖЕР ҚАТЫНАСТАРЫН ҚҰҚЫҚТЫҚ РЕТТЕУ САЛАСЫНДАҒЫ МЕМЛЕКЕТТІК ОРГАНДАРДЫҢ ФУНКЦИЯЛАРЫ**

### **Сұрақтары:**

1. Жер қатынастарын реттеу саласындағы мемлекеттік органдардың функцияларының жүйесі.
2. Жер кадастрының түсінігі, жер-кадастрлік құжаттар, кадастр жүргізу тәртібі. Жерге құқықтарды мемлекеттік реттеу.
3. Жер мониторингінің түсінігі, құрылышы, мазмұны.
4. Жерге орналастырудың түсінігі, оның функциясы, міндеттері, жерге орналастыру процессинің кезеңдері және оның мазмұны.
5. Жерлерді қорғау және ұтымды пайдалануга мемлекеттік бақылау жасаудың міндеттері мен мақсаттары.
6. Жерге ақы төлеу. Жер салығы бойынша жеңілдіктер. Жер дауларын шешу.

### **1. Жер қатынастарын реттеу саласындағы мемлекеттік органдардың функцияларының жүйесі**

Жер қатынастарын мемлекеттік реттеудің функциялары дегеніміз – жерді қорғауға ұтымды және нысаналы пайдалануды қамтамасыз етуге бағытталған мемлекет тарапынан жүзеге асырылатын негізгі қызметтер болып танылады, яғни мемлекет тарапынан жер саясатын жүзеге асыруға бағытталған негізгі бағыттардың жиынтығы. Бұл қызметтердің бірнеше түрлері бар:

жер участекерін есепке алу және мемлекеттік жер кадастрын жүргізу;  
жерді жеке меншікке немесе жер пайдалануға беру немесе алыш қою;  
жердің санатын анықтау және жерді бір санаттан екінші санатқа ауыстыру;  
жерді аймақтарға бөлу және жерге орналастыруды жүзеге асыру;  
жер мониторингін жүргізу;  
жер төлемдерін алу;  
жерді қорғау шараларын жүргізу;  
жерді пайдалану мен қорғау шараларына мемлекеттік бақылау жүргізу;  
жер дауларын шешу;  
жер зандарын бұзғаны үшін занды жауапкершілікке тарту.

### **2. Жер кадастрының түсінігі, жер-кадастрлік құжаттар, кадастр жүргізу тәртібі**

Жалпы «кадастр» деген түсініктің екі түп тамыры бар. Біріншіден «caput» - нақты зат және «capitastrum» осы заттардың тізімі. Ал жер кадастры дегеніміз, ғалымдардың пікірі бойынша кең мағынада – жерді өндіріс құралы ретінде сипаттайтын барлық қажетті мәліметтердің жиынтығы. Тар мағынада жерді бағалау яғни, жердің табиғи және шаруашылық жағдайын анықтайтын бағалау мәліметтері. Жер кадастры дегеніміз – Жер кодексіне сәйкес, Қазақстан Республикасы жерінің табиғи және шаруашылық жағдайы, жер участекерінің орналасқан жері, нысаналы пайдалануы, мөлшері мен шекарасы, олардың сапалық сипаттамасы туралы, жер пайдаланудың есепке

алынуы мен жер участеклерінің кадастрылұқ құны туралы мәліметтердің жүйесі болып табылады. Мемлекеттік жер кадастрының келесідей белгілерін атап көрсетуге болады:

Біріншіден, кадастрда жер участекі, жерге меншік құқығының субъектілері, жер пайдалану, жерді жалдау, жер участекінің нысаналы мақсаты, оларды қолдану сипаттамасы туралы мәліметтер болуы керек;

Екіншіден, жерді сандық жағынан есепке алу мәліметтері, яғни, жер аландарын жер құқық қатынастары субъектілеріне бөліп беру туралы мәліметтер;

Үшіншіден, жердің сапалық жағдайы туралы, яғни, жерді пайдалануға әсер ететін табиғи сипаты мен белгілеріне /топырақтың механикалық құрамы, жер бедері, жағымсыз процесстер – эрозия, тұздану, тапталу белгілері мен экологиялық технологиялық, қала құрылышы сипаттары/ байланысты жүзеге асырылатын жер-кадастрылұқ аудандарға бөлу, топырақты топтастыру, жерді санаттарға бөлу т.с.с шаралар нәтижесінде алынатын мәліметтер;

Төртіншіден, кадастрда жерді бағалау беріледі, яғни, жер ауыл шаруашылығының өндіріс құралы және кеңістіктік базис ретінде салыстырмалы бағасын, сонымен бірге, пайдаланудың тиімділік деңгейін анықтайды.

Жер кадастрын жүргізу мемлекет тарапынан қаржыландырылады. Мемлекеттік жер кадастры жер ресурстарны басқару жөніндегі Агенттікпен және оның жергілікті бөлімшелерімен жүргізіледі. Мемлекеттік меншіктегі жерлерден берілетін жер участеклеріне жер-кадастрылұқ істерді Кадастрды жүргізетін мамандандырылған мемлекеттік кәсіпорындар облыстардың (респубикалық маңызы бар қаланың, астананың), аудандардың (облыстық маңызы бар қалалардың) жергілікті атқарушы органдарының, аудандық маңызы бар қала, кент, ауыл (село), ауылдық (селолық) округ әкімдерінің шешімдері, Қазақстан Республикасының Жер кодексінде белгіленген құзыретіне сәйкес, облыстың (респубикалық маңызы бар қаланың, астананың), ауданың (облыстық маңызы бар қаланың) жер қатынастары жөніндегі уәкілдегі органы бекіткен жерге құқық беру туралы жерге орналастыру жобасы және жер участекінің шекараларын белгілеу жөніндегі материалдар негізінде жүргізеді.

**Мемлекеттік жер кадастры** - Қазақстан Республикасы жерінің табиғи шаруашылық жай-күйі, жер участекінің орналасқан жері, нысаналы пайдалануы, мөлшері мен шекарасы, олардың сапалық сипаттамасы туралы, жер пайдаланушыларды есепке алу мен жер участекінің кадастрылұқ құны туралы мәліметтердің, өзге де қажеті мәліметтердің жиынтығы.

Жер кадастрының негізгі мақсаты – жер қорын ұтымды пайдалану мен қорғауды қамтамасыз ету. Жерге заттық құқықтардың азаматтық айналымы жерге меншік құқық жағдайында жер меншік иелері мен жер пайдаланушылардың құқықтарын қорғау.

Жер туралы мәліметтер арнайы базалық құжаттармен реттеледі. Базалық құжаттарға келесілер жатады:

- жер участекінің жер кадастрылұқ ісі;

- мемлекеттік жер кадастрының кітабы;  
жер кадастрының картасы;

Жер-кадастрлық құжаттама мынадай талаптарға сәйкес болуы тиіс:  
барлық деректемелерді (оларды шығарушы органның, мекеменің, ұйымның атауын, күнін, құжаттың нөмірін, мекен-жайын (құжатты алушыны) көрсету) толтыра отырып белгіленген үлгідегі бланкілерде орындалады;

жер участкелері шекараларының жоспарларын (сызбаларын) дайындау жер ресурстарын басқару жөніндегі орталық уәкілетті орган белгілейтін техникалық талаптарға сәйкес жүзеге асырылады;

мемлекеттік құпияға жатқызылған жер участкелерінің жоспарларында (сызбаларында) қамтылатын мәліметтер олардың құпиялышының қамтамасыз ететін белгіленген ережелерге сәйкес пайдаланылады және сақталады.

Жер участкесінің жер кадастрлық кітапқа жазба енгізілгеннен кейін оған жеке елдің аумағына қайталанбайтын нөмір беріледі. Кадастрлық нөмірді құру:

- облыстың немесе республикалық маңызы бар қалалардың, астананың кодымен;
- ауданың немесе облыстық (аудандық) маңызы бар қаланың кодымен;
- есепті кварталдың кодымен;
- жер участкесінің есепті кварталдағы реттік нөмірімен айқындалады.

Елді мекеннің кварталы, жұмыс кенттері және ауылдық елді мекендер, бағбандық және саяжайлық қоғамдар, желілік объектілер: темір жол, автомобиль жолдары, жердегі, жер үсті және жер асты құбыр желілері бөлу жолақтарымен, суаттар және басқалар есепті кварталдар болып табылады.

Жер участкесі кадастрлық нөмірінің екі алғашқы саны облыстың немесе республикалық маңызы бар қалалардың, астананың кодын, одан кейінгі үшеуі - ауданың немесе облыстық (аудандық) маңызы бар қаланың, одан кейінгі тағы үшеуі - есепті кварталдың кодын және соңғы үш сан - есепті кварталдың ішіндегі жер участкесінің реттік нөмірін білдіреді. Барлығы он бір санның құралады. Есепті квартал ішінде жер участкелерінің саны 999-дан асқан жағдайда, осы есепті квартал ішінде қалыптасатын келесі жер участкелеріне төрт таңбалы реттік нөмір беріледі.

Кадастрлық мәлімет шынайы объективті болуы үшін келесі қағидалар сақталуы тиіс:

Мемлекеттің жер қорын түгелдей қамту;

Жер кадастрын жүргізуін үздіксіздігі;

Жер кадастрының әдістемелік негіз бірлігі;

Жер кадастрын жүргізу органдарының бірыңғай жүйесінің болуы.

**Жер кадастрының мәліметтері келесі жағдайларда қолданылады:**

- мақсатты тағайындауын ескеріп, жер участкесін пайдалану тиімділігін анықтау;
- жер участкесін жеке меншікке сатқан кезде оның бағасын (жер участкесін жалдау құқығын сату төлемін) анықтау;
- салық салу;

- жер участекін мемлекеттік қажеттіктер үшін еріксіз алу кезінде және иеліктен айыру жағдайында сатып алу бағасы мен төлем мөлшерін сотпен анықтау мақсатында жүргізіледі.

- жер участекімен мәміле жасау;
- жерге төлем мөлшерін анықтау;
- құқықтық басқа кадастры жүргізу үшін.

Жер кадастры деген ұғымды құқықтық кадастры деген ұғымнан бөлек қарастыру керек.

Құқықтық кадастры жүргізу тәртібі Қазақстан Республикасының 2007 жылғы 26 шілдедегі Жылжымайтын мүлікке құқықтарды және онымен жасалатын мәмілелерді мемлекеттік тіркеу туралы N 310 Заңымен реттеледі.

Құқықтық кадастры дегеніміз – жерге меншік пайдалану және басқа да құқықтары және олардың иелері сонымен қатар, жер участекінде жасалатын мәмілелер, оларға берілген ауырталықтар туралы мәліметтердің жынытыры. Құқықтық кадастры тіркеуші органдар жүргізеді және онда жылжымайтын мүлікке қолданылатын және тоқтатылған құқықтар және тіркеудің өзге де объектілері туралы ақпарат, жылжымайтын мүліктің сәйкестендіру сипаттамалары, құқық иелері туралы мәліметтер, құқықтық кадастрың мәліметтеріне бар сұрау салулар туралы ақпарат қамтылады.

Құқықтық кадастры:

**1) тіркеуге келіп түсетін құжаттарды есепке алу кітабынан:** мемлекеттік тіркеуге келіп түсетін құжаттарды есепке алу кітабын тіркеуші органдар жылжымайтын мүлікке құқықтардың туындауын, өзгеруін немесе тоқтатылуын және өзге де тіркеу объектілерін мемлекеттік тіркеуге берілген өтініштердің арасындағы басымдықты есепке алу және белгіл<sup>2</sup>耀 мақсатында жүргізеді. Мемлекеттік тіркеуге келіп түсетін құжаттарды есепке алу кітабына енгізілген өтініштердің арасындағы басымдық мемлекеттік тіркеуге өтініш берілген күні, сағаты және минуты бойынша белгіленеді. Мемлекеттік тіркеуге келіп түсетін құжаттарды есепке алу кітабының нысанын, мазмұнын және жүргізу тәртібін үәкілетті орган айқындайды

**2) тіркеу кітабынан:** тіркеу кітабы жылжымайтын мүлік объектілеріне толтырылатын тіркеу парақтарынан тұрады. Жекелеген тіркеу парақтары жер участекіне, жылжымайтын мүліктің кейінгі объектісіне, онда орналасқан бастапқы жылжымайтын мүлік объектілерімен бірге жер участекіне толтырылуы мүмкін.

Тіркеу парағы төрт бөлімнен: жылжымайтын мүліктің сәйкестендіру сипаттамалары, ұстемдікке ие жер участекінің немесе жылжымайтын мүліктің басқа объектісінің пайдасына белгіленетін сервитуттар бөлініп көрсетілген жылжымайтын мүлікке құқықтардың тізілімі, кепіл бөлініп көрсетілген жылжымайтын мүлікке құқықтар ауырталықтарының, сондай-ақ жылжымайтын мүліктен туындаитын міндеттемелердің тізілімі, зандық талаптардың және жылжымайтын мүлікке құқықтардың немесе құқықтар ауырталықтарының туындауына әкеп соқпайтын мәмілелердің тізілімінен тұрады

**3) құқықтық кадастран мәліметтер беруге сұрау салуларды есепке алу кітабынан:** құқықтық кадастран ақпарат беруге сұрау салуларды есепке алу кітабын тіркеуші органдар келіп түсетін сұрау салуларды және құқықтық кадастран берілген ақпаратты есепке алу мақсатында жүргізеді. Құқықтық кадастран ақпарат беруге сұрау салуларды есепке алу кітабының нысанын, мазмұнын және жүргізу тәртібін уәкілетті орган айқындайды.

**4) тіркеу істерінен:** тіркеу ісі әрбір жер участесіне жеке жүргізіледі және құқық белгілейтін және тіркеуге берілген өтінішке қоса тіркелген басқа да құжаттардың көшірмелерін, соның ішінде жер участесіне сәйкестендіру құжатының, жылжымайтын мүлік объектілеріне техникалық паспорттардың көшірмелерін, сондай-ақ жылжымайтын мүліктің осы объектісіне немесе оның құқық иелеріне қатысты тіркеуші органның құжаттарын қамтиды. Кондоминиум объектісінің құрамына кіретін жылжымайтын мүлік объектісінің әрбір кейінгі объектісіне жеке тіркеу ісі жүргізіледі.

**5) ақпараттық жүйеден** тұрады. Құқық иесінің сәйкестендіру деректерін (жеке тұлғаның тегін, атын, әкесінің аты мен туған күнін, заңды тұлғаның атауы мен тіркеу нөмірін) қоспағанда, азаматтар және басқа да құқық иелері туралы ақпаратты ашатын мәліметтер (дербес деректер) берілмейді.

Жылжымайтын мүлікке мынадай құқықтар құқықтық кадастран мемлекеттік тіркеуге жатады:

- 1) меншік құқығы;
- 2) шаруашылық жүргізу құқығы;
- 3) оралымды басқару құқығы;
- 4) кемінде бір жыл мерзімге жер пайдалану құқығы;
- 5) ұстемдікке ие жер участесінің немесе өзге де жылжымайтын мүлік объектісінің пайdasына кемінде бір жыл мерзімге сервитуттар.

Сонымен қатар, жылжымайтын мүлікке құқықтардың мынадай ауыртпалықтары құқықтық кадастран мемлекеттік тіркеуге жатады:

- 1) кемінде бір жыл мерзімге пайдалану құқығы, соның ішінде жалға беру, өтеусіз пайдалану, сервитуттар, өмір бойы қарауында ұстau құқығы;
- 2) сенімгерлікпен басқару құқығы, оның ішінде қорғаншылық, қамқоршылық кезінде, мұралық құқық қатынастарында, банкроттықта және басқаларында сенімгерлікпен басқару құқығы;
- 3) кепіл;
- 4) тыйым салу;
- 5) мемлекеттік органдардың өз құзыреті шегінде жылжымайтын мүлікті пайдалануға, оған билік етуге немесе белгілі бір жұмыстарды орындауға шектеу қоюы (тыйым салуы);
- 6) басым мұдделерді қоспағанда, Қазақстан Республикасының заңдарында көзделген жылжымайтын мүлікке құқықтардың өзге ауыртпалықтары.

Жылжымайтын мүлікке құқықтарды және онымен жасалатын мәмілелерді мемлекеттік тіркеу мынадай тәртіппен жүргізіледі:

- 1) мемлекеттік тіркеу үшін құжаттарды қабылдау; Жылжымайтын мүлікке құқықтарды және онымен жасалатын мәмілелерді мемлекеттік тіркеу құқық

иесінің, мәміле тараптарының (қатысушыларының), мемлекеттік органның (оның уәкілетті өкілінің) немесе өзге де уәкілетті адамдардың тіркеуші органға берген өтінішінің негізінде жүзеге асырылады. Мемлекеттік тіркеу үшін өтініш беруші (өтініш берушінің уәкілетті өкілі) оның жеке басын куәландыратын құжатты көрсетуі және мынадай құжаттарды: белгіленген үлгідегі мемлекеттік тіркеу туралы өтінішті; жылжымайтын мүлікке техникалық паспортты және (немесе) жер участесіне сәйкестендіру құжатын қоса бере отырып, құқық белгілейтін және тіркеу объектісін растайтын өзге де құжаттарды; өтініш берушінің (жеке тұлғаның) және өтініш берушінің уәкілетті өкілінің жеке басын куәландыратын құжатының көшірмесін; жылжымайтын мүлікке құқықтарды мемлекеттік тіркеуге алым төлегенін растайтын құжатты ұсынуға тиіс.

2) жасалатын мәміленің және (немесе) жылжымайтын мүлікке құқықтардың (құқықтар ауыртпалықтары) туындауына, өзгеруіне, тоқтатылуына негіз болып табылатын өзге де заңдық фактілердің (заңдық құрамдардың) заңдылығын немесе мемлекеттік тіркеудің өзге де объектілерін тексеруді қоса алғанда, мемлекеттік тіркеуге ұсынылатын құжаттардың қолданыстағы заңнамаға сәйкестігін тексеру;

3) тіркеу парағына жүргізілген тіркеу немесе мемлекеттік тіркеуден бас тарту немесе оны тоқтата тұру туралы жазба енгізу;

4) құқық белгілейтін құжатта жүргізілген мемлекеттік тіркеу туралы жазба жасау;

5) жүргізілген тіркеу туралы белгісі бар құқық белгілейтін құжатты, мемлекеттік тіркеуден бас тарту немесе оны тоқтата тұру туралы құжатты, мемлекеттік тіркеу туралы куәлік беру.

### **3. Жер мониторингінің түсінігі, құрылышы, мазмұны**

Жер мониторингісі – жер қорын мемлекеттік басқарудың негізгі бастаушы элементі. Жер мониторингісі болып жатқан өзгерістерді уақытылы анықтау оларды бағалау одан әрі дамуын болжау және кері әсері бар процесстерді болдырмау мен оның зардалтарын жою жөнінде ұсыныстар әзірлеу мақсатында жүргізілетін жер қорының сапалық және мөлшерлік жай-күйін базалық жедел мерзімді байқау жүйесін білдіреді. Жер мониторигісі мақсаттары, міндеттері, құрылымы оның жүзеге асырылу тәртібі Қазақстан Республикасы Жер кодексімен және 19 қыркүйек 2003 жылғы Қазақстан Республикасы Үкіметінің «Қазақстан Республикасында жер мониторингін жүргізу және оның деректерін пайдалану туралы» қаулысымен реттеледі.

Мемлекеттік бағдарламаға сәйкес, жер мониторингісін жүргізу бюджеттік қаражат есебінен қаржыландастырылады. Мемлекетаралық және халықаралық жер мониторингісін қаржыландашу Қазақстан Республикасының басқа мемлекетпен жасаған шарттармен келісімдерге сәйкес жүргізіледі.

#### **Жер мониторингісі міндеттері:**

- жер жай-күйінің өзгерістерін уақытылы анықтау, оларды бағалау, болжам жасау және кері әсері бар процесстерді болдырмаумен зардалтарын жою жөнінде ұсыныстар әзірлеу;

- мемлекеттік жер кадастрын жүргізуді, жерге орналастыруды, жерді пайдалану мен қорғауды бақылауды және жер ресурстарын мемлекеттік басқарудың өзге де функцияларын ақпаратпен қамтамасыз ету.

### **Жер мониторингісі:**

жүйелі байқауларды, іздестірулерді, суретке түсірулерді, тексерулерді (қайта тексерулерді және түзетулерді) орындау;

жердің жай-күйін талдау мен бағалауды жүргізу;

жердің құнарлылығына антропогенді әсер етуді реттеу жөніндегі ұсыныстарды әзірлеу;

белгілі бір уақыт кезеңінде жердің сапалық жай-күйін болжауды әзірлеу; жер туралы деректер банкін ұйымдастыру жөніндегі жұмыстарды қамтиды.

Жер мониторингісін жүргізу барысында жердің сапалық жағдайына әсер ететін келесідей процесстер анықталады:

Эволюциялық (дамудың табиғи тарихи процестерімен байланысты);

Кезеңдік (қундік, мезгілдік және басқа да сипаттағы өзгерістер);

Антропогендік (адам қызметімен);

Төтенше жағдайлар (экологиялық апаттар);

Жер мониторингісі ақпараттық қайнар көзіне бақылаудың, зерттеудің, инвентаризациялаудың нәтижелері, архивтік мәліметтер және жер сапалық жай-күйі туралы басқа да мәліметтер жатады. Жер мониторингісін объектісі – меншік нысанына, ведомстволық бағыныштылығына қарамастан барлық ҚР жері танылады.

Мониторинг жердің нысаналы мақсатының ерекшелігі ескеріле отырып жүргізіледі және жердің санаттарына сәйкес келетін мынадай қосымша жүйелерге бөлінеді:

- ауыл шаруашылығы мақсатындағы жердің мониторингі;
- елді мекендер (қалалар, кенттер мен ауылдық елді мекендер) жерінің мониторингі;
- өнеркәсіп, көлік, байланыс, қорғаныс және өзге де ауыл шаруашылығы мақсатына арналмаған жердің мониторингі;
- ерекше қорғалатын табиғи аумақтағы жердің, сауықтыру мақсатындағы, рекреациялық және тарихи-мәдени мақсаттағы жерлердің мониторингі;
- орман қоры жерінің мониторингі;
- су қоры жерінің мониторингі;
- босалқы жердің мониторингі.

Аумақтық ауқымына қарай жердің республикалық, өнірлік және жергілікті мониторингі жүзеге асырылады:

республикалық - Қазақстан Республикасының бүкіл аумағын қамтиды;

өнірлік - физикалық-географиялық, әкімшілік, экономикалық және өзге де шекаралармен шектелген аумақтарды қамтиды;

жергілікті - жекелеген жер участелері мен ландшафттық-экологиялық кешендердің қарапайым құрылымдарына дейінгі өнірлік деңгейден төмен аумақтық объектілерде жүргізіледі.

Жер мониторингін жүргізудің мерзімдері мен кезеңділігіне қарай жердің жай-күйін бақылаудың мынадай:

- базалық (бастапқы жер мониторингін жүргізуді бастау сәтіндегі бақылау объектілерінің жай-күйін тіркейтін);
- жедел (ағымдағы өзгерістерді тіркейтін);
- кезеңдік (бір және одан көп жылдан кейін) түрлері жүзеге асырылады.

**Жер мониторингі жөніндегі ақпаратты алу үшін:**

қашықтықтан тексеріп-байқау (ғарыштық аппараттардан, биікке ұшатын ұшақтардан, шағын авиацияның және басқа да құралдардың көмегімен суретке түсіру және бақылау);

жер бетінде суретке түсіру (топырақтық, геоботаникалық және басқа да және аумақтық-аймақтық желі пункттеріндегі бақылаулар;

жерді түгендеу, жер-кадастрлық құжаттама;

қор деректері (карталар, картограммалар, схемалар, кестелік және басқа да материалдар) материалдары пайдаланылады.

Гарыштық жеткізгіштен суретке түсіру мен бақылау республикалық және өнірлік деңгейлерде жердің жай-күйінің сипаттамасын алу үшін орындалады. Жер бетіндегі бақылау, зерттеу, тексеру және суретке түсіру стационарлық және жартылай стационарлық алаңдарды, түйінді участекелерді, полигондарды пайдалану арқылы жердің барлық санаттары бойынша жүргізіледі. Жер мониторингінің нәтижелері қағаз жеткізгіштермен де, ақпаратты электрондық жинақтау, өндеу және сақтау жүйелерін пайдалану арқылы да есептер, кестелер, карталар және картограммалар түрінде ресімделеді.

Жер мониторингі бойынша алынған ақпаратты облыстың (республикалық маңызы бар қаланың, астананың) жер ресурстарын басқару жөніндегі тиісті аумақтық органдары қорытады әрі талдайды, ол мұрағаттар мен автоматтандырылған ақпараттық жүйенің деректер банкінде жинақталады және сақталады.

Базалық құжаттарда өнірлік объектінің немесе жер участекесінің бастапқы жай-күйі тіркеледі. Базалық құжаттарға жердің жай-күйінің бастапқы тақырыптық карталары, картографиялық материалдар және жердің сапалық жай-күйі туралы жиналған мәліметтер жатады. Бірізділендірілген нысандар, оларда жердің жай-күйінің тіркелген өзгерісі көрсетілген кестелер есептік құжаттар болып табылады.

**Жердің мониторингі жөніндегі құжаттама мынадай талаптарға сәйкес келуі:**

белгіленген үлгідегі бланкілерде атқарылуы;

картографиялық материалдар жер ресурстарын басқару жөніндегі орталық уәкілетті орган белгілеген техникалық талаптарға сәйкес әзірленуі;

мемлекеттік құпияға жатқызылған жер участекелерінің жоспарларында (сызбаларында) қамтылған мәліметтер олардың құпиялылығын қамтамасыз ететін белгіленген ережелерге сәйкес пайдаланылуы және сақталуы тиіс.

#### **4. Жерге орналастырудың түсінігі, оның функциясы, міндеттері, жерге орналастыру процесінің кезеңдері және оның мазмұны. Жерді аймақтарға бөлу**

Қазақстан Республикасы Жер кодексінің 149-бабына сәйкес, жерге орналастырудың мақсаттары мен мазмұны:

- жерге орналастыру жер қатынастарын реттеуге, жерді ұтымды пайдалану мен қорғауды ұйымдастыруға бағытталған, ҚР жер заңдарын сақталуын қамтамасыз ету жөніндегі шаралар жүйесі болып табылады.

- Жерге орналастыру меншік нысанына қарамастан және оларда шаруашылық жүргізу нысанына қарамастан барлық санаттағы жерлерде жүргізіледі.

**Жерге орналастыру** дегеніміз – жер қатынастарын реттеуге, жерді ұтымды пайдалану мен қорғауды ұйымдастыруға бағытталған Республика заңдарының сақталуын қамтамасыз ету жөніндегі іс-шаралар жүйесі болып табылады. Жерге орналастыру қызметінің белгілері:

1. Жерге орналастыру – жер аумағын, жерді пайдалануды және экологиялық жағдайды ұтымды ұйымдастыруды қамтамасыз ететін шаралар жүйесі;

2. Жерге орналастыру - бұл жерді өндіріс құралы ретінде ұйымдастыру шараларының жүйесі;

3. Жерге орналастыру – жерді толық, тиімді және ұтымды пайдалануды ұйымдастыру, жерді пайдалану мәдениетін арттыру және қорғау саласындағы мемлекеттік органдардың шешімдерін жүзеге асыруға бағытталған шаралар;

4. Жерге орналастыру – жер пайдалану саласында, мемлекеттің органдарының шешімдерін жүзеге асыруға бағытталған мемлекеттік шаралардың жүйесі;

5. Жерге орналастыру – барлық жер аумағын және оның жеке бөліктерін дұрыс ұйымдастыруды қамтамасыз ететін белгілі шаруашылық құқықтық және жер техникалық, мемлекеттік шаралар (әрекеттер) жүйесі.

Жерге орналастыру қызметінің мазмұнындағы бұл шаралар үш топқа бөлінеді:

1. Әлеуметтік-экономикалық. Әлеуметтік экономикалық шаралар жерді қандай салада пайдалануын анықтайды ол жерді ауыл, орман, шаруашылық қызметтерін жүргізу мүмкіндігін анықтайды. Жерге орналастыру экономикалық аспект ретінде жер өндіріс құралы және халық шаруашылығының салаларының обьектілер орналастыратын аумақтық базисі ретінде жерді ұйымдастыру.

2. Техникалық. Техникалық шаралар іздестіру, суретке түсіру, карта жасау, зерттеу жұмыстарын әртүрлі жобалады жасауға жұмыстар жүргізеді. Жерге орналастырудың техникалық аспектісін жобалау, іздестіру, зерттеу және түсіру жұмыстары қамтиды.

3. Құқықтық. Жерге орналастыру жер қорын басқаруға байланысты мемлекеттің қызметтің бағыттарының бірі. Жерге орналастыру құқықтық аспект ретінде – жер меншік иелері мен жер пайдаланушылардың құқықтарын

жүзеге асырудың шарттарын анықтайды. Жерге орналастыру жерді ұтымды пайдалануды ұйымдастыруға бағытталған шаралардың жүйесін құрайды.

Жерге орналастыру жұмыстары Қазақстан Республикасының жер ресурстарын басқару жөніндегі Агенттік Төрағасының 2004 жылғы 7 қыркүйектегі N 72-Ө-а Жер пайдалануларды ұйымдастыру және реттеу, алқапта жер участекінің шекарасын бөлу және белгілеу бойынша шаруашылық аралық жерге орналастыру жобасын өзірлеу жөніндегі Қазақстан Республикасындағы жерге орналастыру жұмыстарын атқару Ережелеріне сәйкес жүргізіледі.

**Жерге орналастыру процесінің кезеңдері.** Жерге орналастырудың кезеңдері дегеніміз - жер заңының және жерге орналастыруды іске асырудың нормативтік актілерде көрсетілген жерге орналастыруды жүзеге асыратын құзыретті органдардың реті мен орындауының іс қимылдары (әрекеттері). Келесі сатылардан тұрады:

- дайындық жұмыстары;
- жерге орналастыру жобасын жасау;
- жерге орналастыру құжаттарының қарастырылуы, келісілуі және бекітілуі;
- жерге орналастыру жобасын орындау.

**Дайындық жұмыстары.** Дайындық жұмыстары қажетті бастапқы деректер мен мәліметтерді жинаудан, жүйелендіруден, сараптаудан және бағалаудан тұрады. Болжауларды, сызбаларды, жерге орналастыру жобаларын өндеу; Шаруашылық аралық, шаруашылық ішіндегі және участекілік жерге орналастырудың болжамдары, схемалары, бағдарламалары, жобалары, елді мекендер аумақтарының жер-шаруашылық құрылымының жобалары, жерді пайдалану мен қорғауға байланысты жобалар, жоспарлар, карталар, сұлбалар, есеп берулер, сондай-ақ, жер участекіне құқығын куәландыратын құжаттар жерге орналастыру құжаттамасының жерге орналастырудың мәніне сәйкес міндетті түрлері болып табылады;

Жерге орналастырудың болжамдарын, бағдарламаларын, схемаларын және жобаларын өзірлеудің тәртібі жер ресурстарын басқару жөніндегі орталық атқарушы орган өзірлейтін және бекітетін ведомстволық нормативтік құқықтық актілерге сәйкес жүзеге асырылады. Жерге орналастыру құжаттамаларын қарау, келісу, және бекіту Қазақстан Республикасының қолданылып жүрген заңдарына сәйкес жүргізіледі;

**Жерге орналастыру жобасын жасау.** Жерге орналастыру жобасын жасау бойынша жұмыс мазмұны осы жұмыстарды жүргізу тапсырмасымен (келісім-шартымен) анықталады және оған:

- жердің қазіргі жағдайын және пайдаланылуын талдау;
- аумақтарды және алқаптарды пайдалануды реттестіру мен үйимдастыру;
- табиғатты қорғау шараларын жасау;
- жобаны жүзеге асыру жоспары;
- жер пайдаланумен байланысты басқа құжаттарды дайындау жатады.

**Жерге орналастыру құжаттарының қарастырылуы, келісілуі және бекітілуі.** Белгіленген тәртіппен келісілген жерге орналастыру құжаттамасын:

Шаруашылық ішіндегі жерге орналастыру жобаларын және жерді ұтымды пайдалануға, топырақтың құнарлылығын сақтау мен арттыруға байланысты олардың өз есебінен әзірленетін және жүзеге асырылатын жобаларды - жер участесі орналасқан жердегі облыстардың (республикалық маңызы бар қаланың, астананың), аудандардың (облыстық маңызы бар қалалардың) уәкілетті органдарымен келісім бойынша жер участеклерінің меншік иелері мен жер пайдаланушылар, басқа да тапсырыс берушілер;

Жер участеклерінің шекарасын қалыптастыруға, оларды белгілі бір жерде белгілеуге, жер участесінің жоспарын дайындауға байланысты жерге орналастыру құжаттамасын, сондай-ақ жерге орналастыру жөніндегі, жер ресурстарының жай-күйі мен пайдаланылуының арнағы тақырыптық карталарын жасау жөніндегі топографиялық-геодезиялық және картографиялық жұмыстардың, топырақты зерттеу, агротехникалық, геоботаникалық және басқа да зерттеу және іздестіру жұмыстарының материалдарын - жер участесі орналасқан жердегі облыстардың (республикалық маңызы бар қаланың, астананың), аудандардың (облыстық маңызы бар қалалардың) уәкілетті органдары бекітеді.

**Жерге орналастыру жобасын орындау.** Жерге орналастыру жобасын орындау: жобаны жер бетіне көшіруді; жобаның барлық элементтерін игеруді, жерге орналастыру мәліметтері мен құжаттарын рәсімдеуді және беруді қамтиды. Жерге орналастыру жұмыстарының орындалуы жөніндегі келісімшарт жасасқаннан кейін Жерге орналастырушы мемлекеттік жер кадастрының мәліметтері, жерге орналастыру, қала құрылышы құжаттары, картографиялық және жерді пайдаланумен байланысты мәліметтері мен құжаттары негізінде жер участесі туралы және оның орналасқан аумағы туралы мәліметтерді зерттеп, талдау жасайды.

Жерге орналастырудың мазмұнын Жер Кодексінің 149-бабына сәйкес мыналар құрайды:

1) ландшафтық-экологиялық көзқарас негізінде жерге орналастырудың, жерді аймақтарға бөлудің республикалық, облыстық және аймақтық схемаларын (жобаларын) және жер ресурстарын пайдалану, жақсарту және қорғау бағдарламаларын әзірлеуді;

2) қолданыстағы жер пайдалануды қалыптастыру және ретке келтіру жөніндегі шаруашылық аралық жерге орналастыру жобаларын жасауды, белгілі бір жерде жер участеклерін бөліп беру мен шекарасын белгілеуді, жер участесіне меншік құқығына және жер пайдалану құқығына құжаттар жасауды;

3) белгілі бір жерде елді мекендердің шекарасын /шегін/ анықтау мен белгілеуді олардың жер-шаруашылық орналастыру жобаларын жасауды;

4) белгілі бір жерден әкімшілік-аумақтық құрылымдардың, ерекше қорғалатын табиғи аумақтардың және жерді пайдалану мен қорғаудың ерекше шарттары бар басқа да жер участеклерінің шекарасын белгілеуді;

5) жерге орналастыру, бұлінген жерді жаңғырту мен жаңа жерді игеру жобаларын, сондай-ақ жерді пайдалану мен қорғауға байланысты басқа да жобалар әзірлеуді;

6) жерді түгендеу ісін жүргізуді, пайдаланылмай жатқан, ұтымды пайдаланылмай жүрген немесе нысаналы мақсатында пайдаланылмай отырған жерді анықтауды;

7) топографиялық-геодезиялық, картографиялық, топырақты зерттеу, геоботаникалық және басқа да зерттеу мен іздестіру жұмыстарын жүргізуді;

8) жер ресурстарының жай-күйі мен пайдаланылуының тақырыптық карталары мен атластарын жасауды қамтиды және қамтамасыз етеді.

Жерге орналастырудың субъектілері дегеніміз – жер туралы зандарда белгіленген және жерге орналастыру жұмыстарын жүргізетін үәкілетті және жергілікті өзін-өзі басқару органдары мен жер процесіне қатысушылар болып табылады.

Жер кодексінің 14-бабына сәйкес жер ресурстарын басқарушы негізгі орталық үәкілетті орган және оның жергілікті жерлердегі органдары болып, яғни екіге бөлінеді: Біріншісі орталық үәкілетті орган болса, екіншісі оның жергілікті жерлердегі аумақтық органдары болып табылады. Жер кодексінің 151-бабына сәйкес жерге орналастыруды жүргізу бойынша тапсырыс беруші, жерге орналастыру құжаттамасын әзірлеуші, жерге орналастыруды жүргізу кезінде құқықтары мен занды мүдделері көзделуі мүмкін үшінші тұлғалар, сондай-ақ жерге орналастыру құжаттамасы келісілеттін және оны бекітеттін мемлекеттік органдар мен басқа да тұлғалар жерге ораналастыру процесіне қатысушылар болып табылады, яғни жерге орналастыру қатынастарының субъектілері бола алады.

#### **Жерге орналастыру процесіне қатысушылардың:**

##### **1) жерге орналастыруды жүргізу жөніндегі тапсырыс берушінің:**

жеке өзі немесе өкілі арқылы жерге орналастыру процесінің барлық сатысында қатысуға;

жерге орналастыру ісінің материалдарымен танысуға;

өз ұсыныстарын қарастыруға енгізуге;

жерге орналастыру процесінде туындаған келіспеушіліктерді шешуге қатысуға құқығы бар;

##### **2) әзірлеушінің (жобалау және іздестіру жұмыстарымен айналысатын, сондай-ақ жерге орналастыру жобаларын орындауды жүзеге асыратын жеке немесе занды тұлғаның):**

мемлекеттік органдардан жерге орналастыру жөнінде қажетті ақпарат алуға;

тапсырыс берушілермен шарт жағдайларында қарым-қатынас орнатуға;

жерге орналастыру жобаларын жүзеге асыру барысына қандай да бір ерекше рұқсатсыз бақылау жасауға, жергілікті атқарушы органдарды оның нәтижелері туралы хабардар етуге және жерді пайдалану мен қорғау істәжірибесін жақсарту жөнінде ұсыныс енгізуге;

жерге орналастырудың ескірген схемалары мен жобаларын жетілдіру немесе қайта өндеу жөнінде ұсыныстар енгізуге құқығы бар;

##### **3) жерге орналастыру кезінде құқықтары мен занды мүдделері көзделуі мүмкін үшінші тұлғалардың:**

жерге орналастыру мәселелері талқыланғанда қатысуға және жерге орналастырудың барысы мен нәтижелері туралы өз мүдделерін көздейтін ақпарат алуға;

жерге орналастыру процесінде өздерінің мүдделерін қозғайтын заңсыз әрекеттерге Қазақстан Республикасының зандарына сәйкес шағымдануға құқығы бар.

**Жерге орналастыру процесіне қатысушылардың міндеттері:**

**1) жерге орналастыру процесінің барлық қатысушылары:**

Қазақстан Республикасының жер зандарын сақтауға;

жерді пайдалану мен қорғау мәселелері жөніндегі құзыретті мемлекеттік органдар талаптарын орындауға;

жерге орналастыру процесінде жер участеклерінің меншік иелері мен жер пайдаланушылар құқықтарының сақталуын қамтамасыз етуге міндетті;

**2) атқаруышы органдар** жобалау құжаттамасы келісілетін және оны бекітегін оны бір ай ішінде қарауға міндетті;

**3) жерге орналастыруды жүргізу жөнінде тапсырыс беруші:**

жерге орналастыруды жүргізу мақсатын, міндеттерін, мазмұнын, ерекше жағдайлары мен мерзімдерін анықтауға;

қажетті материалдар мен құжаттарды беруге;

жұмысты қаржыландыруды ұйымдастыруға;

орындалған жұмыстарды бір ай ішінде қабылдауға немесе дәлелді түрде бас тартуға міндетті;

**4) жерге орналастыру құжаттамасын әзірлеуші:**

барлық жұмыстарды қолданыстағы нұсқаулықтар мен әдістемелік нұсқауларға, сондай-ақ шартқа сәйкес орындауға;

зерттеу, іздестіру және өзге де жұмыстар топырақтың құнарлы қабатын бүлдіре отырып жүргізілген жер участеклерінің жай-күйін бастанқы қалпына келтіруге;

жерге орналастыру құжаттамасында көзделген іс-шаралардың дұрыстығы, сапасы мен экологиялық қауіпсіздігі үшін жауап беруге міндетті.

Жерге орналастырудың объектісіне жерді жеке меншіктे және пайдалану құқығында пайдаланатын барлық субъектілердің жер аландары, алқаптары және участеклері жатады. Мұндай жер құқықтық қатынастардың объектісіне тұлғаларға кондоминиум құқығымен тиесілі жер участеклері де жатады.

Жерге орналастыру, топография-геодезиялық және картографиялық жұмыстар жүргізу жөніндегі қызметті лицензиялау ережесін және оған қойылатын біліктілік талаптарын бекіту туралы Қазақстан Республикасы Үкіметінің 2007 жылғы 6 шілдедегі № 574 Қаулысына сәйкес, Жерге орналастыру, топография-геодезиялық және картографиялық жұмыстар жүргізу жөніндегі қызметті лицензиялау мынадай кіші қызмет түрлерін қамтиды:

- жерге орналастыру жұмыстарын жүргізу;
- топография-геодезиялық жұмыстар жүргізу;
- картографиялық жұмыстар жүргізу.

Жерге орналастыру, топография-геодезиялық және картографиялық жұмыстарды жүргізуге лицензияны алу үшін мынадай құжаттар қажет:

- 1) белгіленген нысандағы өтініш;
- 2) занды тұлға үшін – жарғының және өтініш берушінің занды тұлға ретінде мемлекеттік тіркелгені туралы күеліктің нотариалды куәландырылған көшірмелері;
- 3) жеке тұлға үшін – жеке басын куәландыратын құжаттың көшірмесі;
- 4) дара кәсіпкер үшін – өтініш берушінің дара кәсіпкер ретінде мемлекеттік тіркелгені туралы күеліктің нотариалды куәландырылған көшірмесі;
- 5) өтініш берушінің салық органында есепке тұрғаны туралы күеліктің нотариалды куәландырылған көшірмесі;
- 6) жерге орналастыру, топография-геодезиялық және картографиялық жұмыстар жүргізу жөніндегі қызметтің өтініш берілген түрімен айналысу құқығы үшін бюджетке лицензиялық алым төленгенін растайтын құжат;
- 7) біліктілік талаптарына сәйкес мәліметтер мен құжаттар:

зауыттық нөмірлерді көрсете отырып аспаптар, жабдықтар, құрал-саймандар жиынтықтарының болуы туралы жалға алу шартының немесе теңгерім үзіндісінің нотариалды куәландырылған көшірмелері;

зауыттық нөмірлерді көрсете отырып аспаптар, жабдықтар, құрал-саймандар жиынтығы бар ұйыммен жасалған қызмет көрсетуге арналған шарттың нотариалды куәландырылған көшірмелері;

деректерді өндеуге арналған меншікті бағдарламалық кешенге оны жалға алу шартының немесе авторлық күелігінің нотариалды куәландырылған көшірмелері;

деректерді өндеуге арналған бағдарламалық кешені бар ұйыммен жасалған қызмет көрсетуге арналған шарттың нотариалды куәландырылған көшірмелері;

Қазақстан Республикасының аумағында өлшем құралдары болып табылатын аспаптар мен құрал-саймандарды түгендеу туралы сертификаттардың нотариалды куәландырылған көшірмелері;

Өлшемдер құралдарының мемлекеттік тізілімінде тіркелген және Қазақстан Республикасында қолдануға жіберілген аспаптардың, жабдықтар мен бағдарламалық өнімдер сертификаттарының нотариалды куәландырылған көшірмелері;

тиісті салада жұмыс өтілін растайтын еңбек кітапшасының немесе еңбек шартының нотариалды куәландырылған көшірмесі;

жерге орналастыру, геодезия және картография саласында жоғары немесе орта арнайы білімі туралы дипломдардың нотариалды куәландырылған көшірмелері;

статистикалық карточканың нотариалды куәландырылған көшірмесі.

Лицензиар лицензияны және (немесе) лицензияға қосымшаны отыз жұмыс күнінен кешіктірмей, шағын кәсіпкерлік субъектілері үшін он жұмыс күнінен кешіктірмей тиісті құжаттарды қоса өтініш ұсынылған күннен бастап береді.

Егер:

1) Қазақстан Республикасының зандарында субъектілердің осы санаты үшін қызмет түрімен айналысуға тыйым салынған;

2) талап етілетін барлық құжаттар табыс етілмеген жағдайда лицензия және (немесе) лицензияға қосымша беруден бас тартылуы мүмкін. Өтініш беруші көрсетілген кедергілерді жойған жағдайда, өтініш жалпы негіздерде қаралады;

3) қызмет түріне өтініш берілген жағдайда, қызметтің өтініш берілген түрімен айналысу құқығы үшін лицензиялық алым енгізілмеген;

4) өтініш беруші біліктілік талаптарына сай келмеген;

5) өтініш берушіге қатысты оған қызметтің өтініш берілген түрімен айналысуға тыйым салатын занды күшіне енген сот үкімі болған жағдайларда лицензия және (немесе) лицензияға қосымша беруден бас тартылуы мүмкін.

### **Жерге орналастыру жұмыстарын жүргізуге байланысты қызметті лицензиялау кезінде қойылатын біліктілік талаптары:**

1) жерге орналастыру жұмыстарын жүргізуге мүмкіндік беретін аспаптардың, жабдықтар мен құрал-саймандардың меншікті немесе жалға алынған жиынтығының не зауыттық нөмірлерін көрсете отырып аспаптардың, жабдықтардың, құрал-саймандардың жиынтығы бар ұйыммен қызмет көрсетуге арналған шарттың;

2) деректерді өндеу үшін меншікті немесе жалға алынған бағдарламалық кешендердің не бағдарламалық қамтамасыз етілуі бар ұйыммен қызметтер көрсетуге арналған шарттың;

3) аспаптардың, жабдықтардың, құрал-саймандар мен бағдарламалық өнімдердің жиынтығын метрологиялық қамтамасыз етудің;

4) занды тұлғаларда:

штатында жерге орналастыру саласында жоғары немесе орта арнайы білімі және осы салада кемінде үш жыл жұмыс өтілі бар кемінде екі маманың;

жеке тұлғаларда:

жерге орналастыру саласында жоғары немесе орта арнайы білімінің және осы салада кемінде үш жыл жұмыс өтілінің болуын қамтиды.

### **Топография-геодезиялық жұмыстарды жүргізуге байланысты қызметті лицензиялау кезінде қойылатын біліктілік талаптары:**

1) топография-геодезиялық жұмыстарды орындауға мүмкіндік беретін аспаптардың, жабдықтар мен құрал-саймандардың меншікті немесе жалға алынған жиынтығының не зауыттық нөмірлерін көрсете отырып аспаптардың, жабдықтардың, құрал-саймандардың жиынтығы бар ұйыммен қызмет көрсетуге арналған шарттың;

2) деректерді өндеу үшін меншікті немесе жалға алынған бағдарламалық кешендердің не бағдарламалық қамтамасыз етілуі бар ұйыммен қызметтер көрсетуге арналған шарттың;

3) аспаптардың, жабдықтардың, құрал-саймандар мен бағдарламалық өнімдердің жиынтығын метрологиялық қамтамасыз етудің;

4) занды тұлғалар үшін:

штатында геодезия және картография саласында жоғары немесе орта арнайы білімі және осы салада кемінде үш жыл жұмыс өтілі бар кемінде екі маманың;

жеке тұлғаларда:

геодезия және картография саласында жоғары немесе орта арнайы білімінің және осы салада кемінде үш жыл жұмыс өтілінің болуын қамтиды.

**Картографиялық жұмыстарды жүргізуге байланысты қызметті лицензиялау кезінде қойылатын біліктілік талаптары:**

1) картографиялық жұмыстарды орындауға мүмкіндік беретін аспаптардың, жабдықтардың меншікті немесе жалға алынған жиынтығының не зауыттық нөмірлерін көрсете отырып аспаптардың, жабдықтардың жиынтығы бар үйиммен қызмет көрсетуге арналған шарттың;

2) деректерді өндеу үшін меншікті немесе жалға алынған бағдарламалық кешендердің не бағдарламалық қамтамасыз етілуі бар үйиммен қызметтер көрсетуге арналған шарттың;

3) аспаптардың, жабдықтар мен бағдарламалық өнімдердің жиынтығын метрологиялық қамтамасыз етудің;

4) занды тұлғаларда:

штатында картография саласында жоғары немесе орта арнайы білімі және осы салада кемінде үш жыл жұмыс өтілі бар кемінде екі маманның;

жеке тұлғаларда:

картография саласында жоғары немесе орта арнайы білімінің және осы салада кемінде үш жыл жұмыс өтілінің болуын қамтиды.

Жерге орналастыру бірнеше сатылардан тұратын құрделі процесс болып табылады. Жерді аймақтарға бөлу аталған процесстің бір бөлігі болып табылады.

**Жерді аймақтарға бөлу дегеніміз** - жер аумағын оның нысаналы мақсатын және пайдалануы режимін белгілей отырып анықтау болып танылады.

Жерді аймақтарға бөлу екі деңгейде жүзеге асырылады:

1. Республикалық;

2. Облыстық;

Осыған байланысты республикалық деңгейде жерді аймақтарға бөлу, ол схемаларды әзірлеу, жер агенттігі органының міндеті.

Облыстық деңгейде жерді аймақтарға бөлудің облыстық схемалары әзірленеді. Оларды әзірлеуге жер агенттігінің аумақтық органмен қала күрылышы және архитектура органы, экология органы және басқа да мүдделі үйимдардың өкілдері бірге отырып әзірлейді, содан кейін бұл схемаларды облыстың өкілді органы бекітеді. Ал, жер атқарушы орган орындауға міндettі.

Жерді аймақтарға бөлуді облыстар (республикалық маңызы бар қала, астана), аудандар (облыстық маңызы бар қалалар) деңгейінде үйимдастыруды облыстардың (республикалық маңызы бар қаланың, астананың), аудандардың (облыстық маңызы бар қалалардың) тиісті уәкілетті органдары жүзеге асырады. Жерді аймақтарға бөлу жобасын (схемасын) облыстардың (республикалық маңызы бар қаланың, астананың), аудандардың (облыстық маңызы бар қалалардың) тиісті өкілді органдары бекітеді.

Жердің нысаналы мақсатының жіктемесі жерді аймақтарға бөлу жобаларының (схемаларының) негізінде әзірленеді және оны облыстардың (республикалық маңызы бар қаланың, астананың), аудандардың (облыстық маңызы бар қалалардың) жергілікті

атқарушы органдары бекітеді. Жер участелерінің нысаналы мақсатының жіктемесі – аумақты аймақтарға бөлуге сәйкес участке аумағын және онда орналасқан үйлер мен ғимараттардың (үй-жайлардың) функционалдық мақсатының (пайдаланылуының) үлгісі мен түрі бойынша жер участелерін мақсатты пайдалану тұрларін топтастыру болып табылады.

Әрбір жер санаты бойынша жерді аймақтарға бөлу жеке де жүзеге асырылады:

1. Мысалы, ауыл шаруашылық мақсатына арналған жерлерді аймақтарға бөлу кезінде келесі қағидалар басшылыққа алынуы керек, ауыл шаруашылық өндірісінің басымдылығы.
2. Ауыл шаруашылық алқаптарын ерекше қорғау.
3. Ауыл шаруашылық өндірісінің шығындарын өтеу міндеттілігі.

## **5. Жерді қорғау мен ұтымды пайдалануға мемлекеттік бақылаудың мақсаттары мен міндеттері**

Жерді қорғау шаралары жоспарлық және бағдарламалық-мақсаттық құжаттар мен материалдарда ескеріледі, Қазақстан Республикасының әлеуметтік-экономикалық дамуының жоспарлануының жобаларына, ұлттық және мемлекеттік бағдарламалар мен тұжырымдамаларға қосылады. Осы саладағы жоспарлаудың ерекшелігі болып, жерді қорғау шараларын жүзеге асыру бойынша арнайы бағдарламаларды әзірлеу табылады. Жекелегенде, Қазақстан Республикасының Үкіметінің қаулыларымен 16 ақпан 2000 жылы Қазақстан Республикасында 2000-2003 жылдарға арналған жерге құқықтарды қамтамасыз ету бағдарламасы, 11 қазан 1994 жылы Қазақстан Республикасының 1994-1995 жылдар және 2010 жылға дейінгі кезеңге дейін жер ресурстарын ұтымды пайдалану және қорғау тұжырымдамасы, 10 шілде 2003 жылы қабылданған 2004-2010 жылдарға арналған Қазақстан Республикасының ауылдық аймақтарды дамытудың мемлекеттік бағдарламасы, 5 қаңтар 2005 жылы қабылданған 2005-2007 жылдарға арналған ауылшаруашылық мақсатындағы жерлерді ұтымды пайдалану бағдарламасы, 24 қаңтар 2005 жылы қабылданған 2005-2015 жылдарға арналған Қазақстан Республикасындағы шөлейттенумен күресу бағдарламасы бекітілген. Сонымен қатар, Қазақстан Республикасының Экологиялық кодексінде қоршаған ортаны қорғау шараларын жоспарлау заңды түрде бекітілген. Ал жерді ұтымды пайдалануға бағытталған бағдарламалар орын алғанымен, Жер кодексінде жерді қорғауға бағытталған шараларды жоспарлау мәселесі мүлдем қарастырылмаған.

Сол себептен, республикалық деңгейде қабылдануы қажет жерлерді пайдалану және қорғауға байланысты әрекеттердің жоспарында жоспарлаудың әкімшілік деңгейі, жоспарлайтын органдардың құрамы, олардың құқықтары мен міндеттері, жоспарлау деңгейлері арасындағы арақатынас секілді ережелер ескерілуі керек және Жер кодексінде жерді қорғауға бағытталған шараларды жоспарлау мәселесі жеке бап шегінде қарастырылуы тиіс деп есептейміз.

Жер қорғауға бағытталған шараларды қаржыландыру экономикалық механизмнің маңызды элементтерінің бірі. Жерді қорғау шараларын қаржыландыру мәселелері, Қазақстан Республикасында жерді қорғауға бағытталған шараларды қаржыландыру жергілікті және республикалық бюджеттердің, басқа да қайнар көздер есебінен жүзеге асырылады және қажетті көлемдегі материалдық-техникалық ресурстармен қамтамасыз етіледі. Қазақстан Республикасының 24 сәуір 2004 жылы қабылданған Бюджеттік кодексінің 50, 51-баптарына сәйкес, республикалық, облыстық және аудандық бюджеттің шығыстары агроөндірістік кешен, ерекше қорғалатын табиғи аумақтар, орман, су, сонымен бірге, жер қатынастарына бағытталған. Басқа қайнар көздерге жер участкерінің меншік иелерінің және жер пайдаланушылардың жеке қаражаттары; занды және жеке тұлғаларының ерікті қайырымдылықтары; экологиялық сақтандыру; банктердің несиелері; басқа қайнар көздер, оның ішінде шетел инвестициялары жатады.

Қазақстан Республикасының Экологиялық кодексінде қоршаған ортаны қорғау шараларына қандай шаралар жататындығы нақты анықталған. Әрине, аталған жағдай Экологиялық кодекстің жетістігін көрсетіп отыр. Сонымен, қоршаған ортаны қорғау шаралары дегеніміз – қоршаған ортаны қорғауға және оның сапасын жақсартуға бағытталған технологиялық, техникалық, ұйымдық, әлеуметтік және экономикалық іс-шаралар жиынтығы. Олардың қатарына:

- экологиялық қауіпсіздікті қамтамасыз етуге бағытталған;
- қоршаған ортаның сапалық сипаттамаларын арттыру арқылы қоршаған ортаның құрауыштарының жай-күйін жақсартатын;
- экологиялық жүйелердің жай-күйін тұрақтандыру мен жақсартуға, биологиялық алуантурлілікті сақтауға, табиғи ресурстарды ұтымды пайдалану мен молықтыруға ықпал ететін;
- қоршаған ортаға және халықтың денсаулығына залал келтірудің алдын алатын және оларды болғызбайтын;
- қоршаған ортаны қорғауға, табиғатты ұтымды пайдалануға және қоршаған ортаны басқарудың халықаралық стандарттарын енгізуге бағытталған әдістер мен технологияларды жетілдіретін;
- өндірістік экологиялық бақылауды дамытатын;
- қоршаған ортаны қорғау саласындағы ақпараттық жүйелерді қалыптастыратын және экологиялық ақпарат беруге ықпал ететін;
- экологиялық білімді насихаттауға, тұрақты даму үшін экологиялық білім мен ағарту ісіне ықпал ететін іс-шаралар жатқызылады. Жерді қорғау шараларын қаржыландыру мемлекетіміздің экономикалық нарық жағдайына өтумен байланысты көптеген өзгеріске ұшырады. Ең алдымен, қаржыландыру көздері көбейді. Егер алғашқы уақытта бұл тек мемлекеттік бюджеттің және жер меншік иелері мен жер пайдаланушылардың еншісі болатын. Жерді қорғауға бағытталған шараларды қаржыландыру 5 қаңтар 2005 жылы қабылданған 2005-2007 жылдарға арналған ауылшаруашылық мақсатындағы жерлерді ұтымды пайдалану бағдарламасы бойынша республикалық қаражат есебінен қарастырылған. Қаржыландырудың жалпы көлемі - 4655318 мың теңгені құрайды. Соның ішінде: 2005 жылға - 1474669 мың теңге; 2006 жылға - 1905685 мың теңге; ал 2007

жылға - 1274964 мың теңгені құрайды. Жерді қорғау шараларын жергілікті бюджет есебінен қаржыландыру жергілікті бағдарламаларға сәйкес анықталады.

Қазақстан Республикасының Жер кодексіне сәйкес, жерді қорғау дегеніміз – қоршаған ортаның бір бөлігі ретінде жерді қорғауға жерді ұтымды пайдалануға жерді орман және ауылшаруашылығы айналымынан негізсіз алып қоюды болдырмауға, сондай-ақ топырақтың құнарлығын қалпына келтіруге бағытталған құқықтық, ұйымдық, экономикалық, техникалық және басқа да іс-шаралар жүйесін қамтиды. Жер қатынастарын мемлекеттік реттеудің бұл қызметі жерді қоршаған ортаның бір бөлігі ретінде қарастырып отыр. Экологиялық кодекске сәйкес, қоршаған ортаны қорғау дегеніміз – қоршаған ортаны сақтау мен қалпына келтіруге, шаруашылық және өзге де қызметтің қоршаған ортаға теріс әсерін болғызбауға және оның зардалтарын жоюға бағытталған мемлекеттік және қоғамдық шаралар жүйесі.

Жерді қорғау мақсаттары болып:

- 1) өндірістің экологиялық қауіпсіз технологияларын ынталандыру және орман мелиорациялық, мелиорациялық және басқа да іс-шараларды жүргізу арқылы жердің тозуы мен бұлінуін, шаруашылық қызметтің басқа да қолайсыз зардалтарын болдырмау;
- 2) тозған немесе бұлінген жерді жақсарту мен қалпына келтіруді қамтамасыз ету;
- 3) жерді оңтайлы пайдаланудың экологиялық нормативтерін тәжірибелең іздейту.

Қоршаған орта сапасының нормативтері дегеніміз - қоршаған ортаның және табиғи ресурстардың адам өмірі мен денсаулығы үшін қолайлы жай-күйін сипаттайтын көрсеткіштер.

Қоршаған орта сапасының нормативтеріне:

- 1) қоршаған орта жай-күйінің химиялық көрсеткіштеріне сәйкес белгіленген нормативтер, оның ішінде радиоактивті заттарды қоса алғанда, жол беруге болатын шекті шоғырлану, химиялық заттардың шамалап алынған қауіпсіз деңгейлерінің нормативтері;
- 2) қоршаған орта жай-күйінің физикалық көрсеткіштеріне сәйкес белгіленген, оның ішінде шудың, тербелістің, магнит өрістерінің, радиоактивтіліктің, жылудың және өзге де физикалық әсерлердің жол беруге болатын шекті деңгейлерінің нормативтері;
- 3) қоршаған орта жай-күйінің биологиялық көрсеткіштеріне сәйкес белгіленген, оның ішінде қоршаған орта сапасының индикаторлары ретінде пайдаланылатын өсімдіктердің, жануарлардың және басқа да организмдердің түрлері мен топтарының нормативтері, сондай-ақ санитарлық-эпидемиологиялық ережелермен және нормалармен, гигиеналық нормативтермен регламенттелетін, микроорганизмдердің жол беруге болатын шекті шоғырлану нормативтері:

топырақ бонитеті, қараширіндінің құрамы, топырақтың су және жел эрозиясына ұшырау, олардың батпақтану, сортандану, тұздану көрсеткіштері және жер топырағының басқа да сипаттамалары;

аумақтың ормандылығы және онда орман өсіру, орманның қоқыстануы, ормандардың санитарлық жай-күйі, орман қорының жекелеген участеклерінің басқа да сандық және сапалық көрсеткіштері;

ауыз суға және өзге де мақсаттарға пайдаланылатын су сапасының нормативтері;

табиғи ресурстар жай-күйінің Қазақстан Республикасының заңнамасында көзделген өзге де нормативтері;

4) қоршаған орта сапасының Қазақстан Республикасының заңнамасында көзделген өзге де нормативтері жатады.

Жерді пайдалану кезінде экологиялық нормативтерді орындау талабы қарастырылған. Жер кодексінде жерді қорғауға қатысты бір норматив бар ол: «Топырақтар зиянды заттарға жол беруге болатын шекті шоғырлану нормативтері» деп аталады. Топырақты ластайтын зиянды заттардың, зиянды микроорганизмдердің және басқа да биологиялық заттардың жол берілетін шектегі қоспаларының нормативтері топырақтың жай-күйін адам денсаулығы мен қоршаған ортаны қорғау мүдделеріне сай бағалау үшін белгіленеді.

Жер кодексіне сәйкес, жер участеклерінің меншік иелері мен жер пайдаланушылар:

1) жерді құнарсызданданудан және шөлейттенуден, су және жел эрозиясынан, селден, су басудан, батпақтанудан, қайталап сортандандан, құрғап кетуден, тапталудан, өндіріс пен тұтыну қалдықтарымен, химиялық, биологиялық, радиоактивті және басқа да зиянды заттармен ластанданудан, басқа да бүліну процестерінен қорғауга;

2) ауыл шаруашылығы жерін карантиндік зиянкестер мен өсімдік ауруларын жүқтүрудан, арамшөп, бұта мен шілік басып кетуден, жердің жай-күйі нашарлауының өзге де түрлерінен қорғауга;

3) бүлінген жерді жаңғыртуға, оның құнарлылығын және жердің басқа да пайдалы қасиеттерін қалпына келтіру мен оны шаруашылық айналымына уақтылы тартуға;

4) жердің бүлінуімен байланысты жұмыстар жүргізілген кезде топырақтың құнарлы қабатын сыйдырып алуға, сақтауға және пайдалануға бағытталған іс-шаралар жүргізуге міндetti.

Жердің тозуын болдырмау, топырақтың құнарлылығын және ластанған аумақтарды қалпына келтіру мақсатында, сондай-ақ ауыл шаруашылығының тозған алқаптарының, химиялық, биологиялық, радиоактивті және басқа да зиянды заттардың жол берілетін шектегі қоспаларының және жол берілетін шектегі әсер деңгейінің белгіленген нормативтерінен артық ластанған, өндіріс және тұтыну қалдықтарымен, ақаба сулармен ластанған жердің, сондай-ақ карантиндік зиянкестер мен өсімдік аурулары жүққан жердің топырақ құнарлылығын қалпына келтіру мүмкін болмаған жағдайларда Қазақстан Республикасының Үкіметі белгілейтін тәртіппен жерді сақтап қою көзделеді.

Жерді сақтап қою дегеніміз – шаруашылық қызметтің нәтижесінде өсімдіктері жойылған, топырақ қабаты бұзылған, жердің гидрологиялық режимі мен бедері өзгерген жерді шаруашылық айналымнан уақытша шығару болып табылады. Жердің ластануы - антропогендік қызметтің нәтижесінде

жерде шекті рұқсат етілетін зиянды заттар нормативтерінен асып түсетін, жердің құндылығын төмендететін, ауыл шаруашылығы өнімдерінің сапасын, қоршаған ортаның басқа да объектілерін, халықтың тұру жағдайын нашарлататын мөлшерде әртүрлі заттар мен организмдердің жинақталуы болып табылады. Жердің ластануы бірнеше түрге бөлінеді: радиоактивті ластану, химиялық ластану, биологиялық ластану, шаруашылық тұрмыстық ластану.

**Радиоактивті ластану** - жердің радионуклидтермен, оның ішінде ядролық қаруды сынаудың, радиациялық авариялардың, ядролық қондырылыштың жұмыс істеуінің, иондаушы сәулелену көздерін, радиоактивті заттар мен қалдықтарды сақтау және көму пункттерін пайдаланудың, сондай-ақ атом энергиясын пайдалануға байланысты өзге де қызметтің нәтижесінде ластану;

**Химиялық ластану** - топырақтың химиялық құрамының адамдардың өндірістік, ауыл шаруашылық, тұрмыстық немесе өзге де қызметтің салдарынан оның құнарлылығы мен сапасының төмендеуін тудыратын өзгеруі;

**Биологиялық ластану** - жердің бактериологиялық, гельминтологиялық, энтомологиялық және карантиндік ластануы;

**Шаруашылық-тұрмыстық ластану** - жердің, топырақтың физикалық және химиялық қасиеттерінің жағымсыз өзгеруін тудыратын өндірістік қалдықтармен және сарқынды сулармен ластануы.

Тозған, ластанған және бұлінген жерді, сондай-ақ карантиндік зиянкестер мен өсімдік аурулары жүққан жерді анықтау жөніндегі жұмыстарды жүргізу үшін жер участесі меншік иесінің немесе жерді пайдалануышының қолдауhatы, жергілікті атқарушы немесе өзге де құзыретті органның бастамасы негіз болып табылады. Тозған, ластанған және бұлінген жерді, сондай-ақ карантиндік зиянкестер мен өсімдік аурулары жүққан жерді анықтауды белгіленген өкілеттіктері шегінде олардың жердің пайдаланылуы мен қорғалуын мемлекеттік бақылауды жүзеге асыруы тәртібімен немесе арнайы далалық зерттеу нәтижесінде жергілікті атқарушы органдар, облыстың (респубикалық маңызы бар қаланың, астананың) аумақтық жер ресурстарын басқару қоршаған ортаны қорғау жөніндегі органдар және басқа да уәкілетті органдар жүргізеді.

Облыстық (Астана және Алматы қалалары) атқарушы орган жердің ластану деңгейі мен бұліну дәрежесін, сондай-ақ карантиндік зиянкестер мен өсімдік аурулары жүққан жерді анықтау, келтірілген залалды айқындау, жердің ластануынан, карантиндік зиянкестер мен өсімдік ауруларының жүгүүнан және бұлінуінен болған зардаптарды жоқ мақсатында арнайы комиссия

құрады.

Комиссияның құрамына облыстың (респубикалық маңызы бар қаланың, астананың) жер қатынастары жөніндегі уәкілетті органдарының, облыстың (респубикалық маңызы бар қаланың, астананың) аумақтық жер ресурстарын басқару, қоршаған ортаны қорғау жөніндегі, мемлекеттік санитарлық-эпидемиологиялық қызмет, ауыл шаруашылығы органдарының және басқа да құзыретті органдар мен ұйымдардың мамандары кіреді.

Комиссия жер ресурстарын басқару, қоршаған ортаны қорғау жөніндегі органдардың және басқа да уәкілетті органдардың нормативтік-нұсқаулық құжаттары мен әдістемелік нұсқамаларына сәйкес тозған, ластанған және бүлінген жерге, сондай-ақ карантиндік зиянкестер мен өсімдік аурулары жүққан жерге кешенді зерттеу жүргізеді. Жердің ластану деңгейі Қазақстан Республикасының заңдарында белгілеген тәртіппен бекітілген топырақты ластайтын зиянды заттардың, зиянды микроорганизмдердің және басқа да биологиялық заттардың шекті жол берілетін шоғырлануының нормативтеріне сәйкес анықталады.

Арнайы комиссияның зерттеу материалдары комиссияның барлық мүшелері қол қойған қорытындыда қорытылуы тиіс.

Қорытындыда:

меншігінде немесе пайдалануында тозған, ластанған, бүлінген, сондай-ақ карантиндік зиянкестер мен өсімдік аурулары жүққан жер участкесі бар тұлғаның деректері;

жердің тозуын, ластануын, бүлінуін карантиндік зиянкестер мен өсімдік ауруларының жұғуын тудыратын объектілер;

егер ол анықталса, жерді ластаған, бүлдірген, ауру жұқтырған тұлғаның деректері;

тозған, ластанған, бүлінген, сондай-ақ карантиндік зиянкестер мен өсімдік аурулары жүққан жердің түрі мен алаңы;

жердің тозу, ластану, бүліну, сондай-ақ карантиндік зиянкестер мен өсімдік ауруларының жұғу дәрежесі бойынша сапалық жай-күйі;

жер ресурстарына келтірілген залалдың бағасы;

тозған, ластанған және бүлінген жерді, сондай-ақ карантиндік зиянкестер мен өсімдік аурулары жүққан жерді қалпына келтіру жөніндегі іс-шаралар, пайдаланудың арнаулы мақсатын өзгерту немесе пайдаланудың арнайы режимін белгілеу, сақтап қоюды жүзеге асыруға не шаруашылық айналымынан толық шығаруға ұсынылатын жер участкелерін бөле отырып, тозған, ластанған, бүлінген жерді одан әрі шаруашылыққа пайдалану жөніндегі ұсынылатын іс-шаралар көрсетіледі.

Жерді кешенді зерттеу материалдары және арнайы комиссияның қорытындысы негізінде облыстың (респубикалық маңызы бар қаланың, астананың) жер қатынастары жөніндегі уәкілетті органды аумақтық қоршаған ортаны қорғау, мемлекеттік санитарлық-эпидемиологиялық қызмет, ауыл шаруашылығы органдарымен және басқа да уәкілетті органдармен келісілген тозған, ластанған және бүлінген жерді, сондай-ақ карантиндік зиянкестер мен өсімдік аурулары жүққан жерді одан әрі пайдалану (арнаулы мақсатын өзгерту; пайдаланудың арнайы режимін белгілеу; жерді сақтап қою; шаруашылық айналымнан толық шығару) туралы шешімнің жобасын дайындауды және оны облыстық (Астана және Алматы қалалары) атқарушы органның бекітуіне енгізеді.

Нормативтен артық радиоактивті ластануға ұшыраған немесе тұрғын халықтың өмірі мен денсаулығына өзге де түрде қатер төндіретін жер участкелері меншікке, тұрақты немесе уақытша жер пайдалануға берілмейді.

Қазақстан Республикасының заңдарында белгіленген санитарлық талаптар мен нормативтерге сәйкес өнім алу қамтамасыз етілмейтін, радиоактивті ластануға ұшыраған жер участекелері ауыл шаруашылығы айналымынан алынады және сақтап қоюға жатады. Бұл жерде ауыл шаруашылығы өнімдерін өндіруге және оны өткізуге тыйым салынады.

Қазақстан Республикасының Үкіметі ядролық қару сынақтары өткізілген жер участекелерін ядролық қару сынағының зардаптарын жою жөніндегі барлық іс-шаралар аяқталғаннан және кешенді экологиялық тексеру жүргізілгеннен кейін ғана, мемлекеттік экологиялық сараптаманың он қорытындысы болғанда менишікке немесе жер пайдалануға беруі мүмкін.

Атап да аумақтарда ядролық қару сынақтарының зардаптарын жою жөніндегі іс-шаралар қоршаған ортаны қорғау жөніндегі, жер ресурстарын қорғау мен ұтымды пайдалану жөніндегі республикалық және облыстық бағдарламаларда және басқа да арнаулы бағдарламаларда көзделеді. Радиоактивті ластануға ұшыраған жерді алып қою мен қорғау тәртібі Қазақстан Республикасының заңдарында айқындалады. Ядролық қару сынақтары жүргізілген жерді босалқы жердің құрамына ауыстыру туралы материалдарды тиісті облыстық атқарушы органдардың қолдаухаты бойынша қоршаған ортаны қорғау және атом энергиясын пайдалану жөніндегі мемлекеттік органдармен бірлесіп, жер ресурстарын басқару жөніндегі орталық уәкілетті орган дайындайды және Қазақстан Республикасы Үкіметінің қарауына жолданады.

Ядролық қару сынақтары жүргізілген жер участекелері Қазақстан Республикасы Үкіметінің шешімімен босалқы жер құрамына ауыстырылады.

Ластану участекелерінің мемлекеттік тізілімін жүргізу тәртібі Ластану участекелерінің мемлекеттік тізілімін жүргізу ережесін бекіту туралы Қазақстан Республикасы Үкіметінің 2007 жылғы 3 шілдедегі № 566 Қаулысына сәйкес жүзеге асырылады. Қоршаған ортаның ластану участекелерінің мемлекеттік тізілімі деңгелімі – онда ластану участекелерінің түрлері мен шығу көзі, олардағы ластаушы заттардың көлемі мен шоғырлануы, ластану участекелерінің тиесілілігі мен оларды жою жөніндегі шаралар туралы деректер жиналатын деректер банкі болып табылады.

Тізілімнің жүргізуін ұйымдастыруды қоршаған ортаны қорғау саласындағы уәкілетті орган бюджет қаражаты есебінен жүзеге асырады. Тізілім ластану участекесінің тізілімдік паспорты негізінде жүргізіледі. Әрбір ластану участекесіне табиғат пайдаланушы тізілімдік паспорт жасайды және оны тиісті аумақтық қоршаған ортаны қорғау органына ұсынады. Жаңа ластану участекесіне арналған тізілімдік паспортты табиғат пайдаланушы оны анықтағаннан кейін үш ай ішінде жасайды.

Тізілімдік мыналарды қамтиды:

- 1) тіркеу нөмірін;
- 2) ластану участекесі орналасқан жердің схемалық картасы мен оның географиялық координаттарын;
- 3) нәтижесінде ластану участекесі пайда болған шаруашылық және өзге де қызметтің немесе табиғи құбылыстың түрін;

- 4) меншігінде (иелігінде) ластану участкесі орналасқан аумақ бар табиғат пайдаланушыны;
- 5) жер санатын;
- 6) ластану участкесінің параметрлерін;
- 7) орналасудың техникалық шарттарын;
- 8) химиялық құрамын (ластаушы заттардың атауын, көлемін және шоғырлануын);
- 9) ластаушы заттар таралуы ықтимал жолдарды;
- 10) ластану участкесінің зерттелу дәрежесін;
- 11) ластану участкесі орналасқан аумақтың климаттық сипаттамаларын;
- 12) ластану участкесін оқшаулау және қалпына келтіру жөнінде іске асырылған іс-шараларды.

Тізілімдік паспортты жасаған және тіркеген лауазымды тұлғалардың аты-жөнін және атқаратын лауазымын көрсете отырып, оған қол қойылады. Тізілімдік паспорт аумақтық, қоршаған ортаны қорғау органдың қабылданады, тіркеледі, есепке қойылады және сақталады. Ластану участкелерін тіркеу табиғат пайдаланушыдан тізілімдік паспортты алған күннен бастап бір ай ішінде ресімделеді.

Әрбір ластану участкесіне тіркеу нөмірі беріледі. Аумақтық тізілімнен алынып тасталған тіркеу нөмірі жаңа ластану участкелеріне берілмейді.

Ластану участкелерін аумақтық тізілімнен алып тастау аумақтық қоршаған ортаны қорғау органдың келісілген ластануды жою туралы жобаны және осы участкеде орындалған жұмыстар актісін табиғат пайдаланушының ұсынуы негізінде жүргізіледі.

## **6. Жерге ақы төлеу. Жер салығы бойынша жеңілдіктер**

Жерге ақы төлеу дегеніміз – жер участкесін пайдаланудың экономикалық нәтижесіне байланысты болмайтын, белгілі бір аймақта орналасқан, белгілі бір сападағы және шаруашылық құндылығы бар жер участкесінің бірлік алаңы үшін белгіленген сома. Жерге ақы төлеу жер меншік иелері мен жер пайдаланушылардың жерді пайдаланғаны үшін, жер участкесін мемлекеттік меншіктен жеке меншікке сатып алғаны үшін немесе жер пайдалану құқығын алғаны үшін жер заңдарымен, салық заңдарымен немесе өзге де заңдармен белгіленген бекітілген мөлшердегі соманы төлеу жөніндегі әрекеті болса, жер төлемдері жерді ұтымды пайдалану мен қорғауға бағытталған нақты жер участкесі үшін белгіленген сома болып табылады. Әрине жер төлемдерінің мөлшеріне жер участкесінің орналасқан жері, сумен қамтамасыз етілуі, топырағының құнарлылық сапасы т.б. факторлар әсерін тигізіп отырады.

Сонымен қатар, жер төлемдерін екі түрлі мағынада қарастыруға болады: экологиялық мағынада және экономикалық мағынада. Экологиялық мқағынадағы жер төлемдерінің қатарына жерді қорғау және сапасын жақсартқаны үшін төленетін төлем, жерді ластағаны үшін төленетін төлем жатқызылған болса, экономикалық мағынадағы жер төлемдерінің қатарына жер салығы, жердің нарықтық құны, жер ресурстарын пайдаланғаны үшін төленетін төлем, жерді мемлекеттік меншіктен жеке меншікке немесе

пайдалану құқығына алғаны (сатып алғаны) үшін төленетін төлем т.б. жатқызылған.

Жер участкесінің экономикалық құндылығы келесідей негізгі үш белгісі арқылы белгіленеді:

1. Жер участкесінің негізгі мақсаты, яғни, бұл жер участкесі қолданылатын мақсатты санаты; Жердің негізгі мақсатта пайдалану белгісі жер участкесін бағалаудағы басқа екі белгіні сипаттап ашуға мүмкіндік береді: мысалы, ауылшаруашылық мақсатындағы жерлер үшін бұл жерлердің мәнді белгілері болып, оның құнарлылығы, топырағының физикалық-химиялық құрамы, өзге де минералды және органикалық құрамдарының бар болуы танылса, ал, өнеркәсіп, транспорт және өзге де мақсаттағы жерлер үшін маңызды белгілері болып оның бедері, пайдалы қазбаларының бар болуы, гидрологиялық және геологиялық қасиеттерінің бар болуы танылады;

2. Жердің сапасы, яғни, жер участкесінің белгілі бір шаруашылық мүқтаждықтарын қанағаттандыра алу деңгейі; Жердің сапасы жердің белгілі бір табиғи қасиеттеріне деген сұраныс деңгейімен анықталады;

3. Жер участкесінің экономикалық шаруашылық қеңістікте нақты орналасуы, яғни оның бағасын мына қағидадан анықтауга болады: жер пайдалану шығындарының төмендігі және жердің экономикалық тиімділігінің жоғарлығы

Жерге ақы төлеудің түрлерін келесідей нысанда көрсетуге болады:

а) Жер салығы; Меншіктегі, тұрақты жер пайдаланудағы немесе бастапқы уақытша өтеулі жер пайдаланудағы жер участкелеріне Қазақстан Республикасының салық заңдарына сәйкес, жер салығы салынады.

б) Жалдау ақысы; Мемлекет уақытша өтеулі пайдалануға (жалға) берген кезде жер участкелері үшін жер участкелерін пайдалану төлемақысы алынады. Жер участкелерін пайдалану төлемақысын есептеу және жергілікті бюджеттің кірісіне төлеу тәртібі Қазақстан Республикасының салық заңдарына сәйкес анықталады. Егер жалға алушы тұлға шетел мемлекеттері болған жағдайда, жер участкелерін пайдалану төлемақысының мөлшері Қазақстан Республикасы бекіткен халықаралық шарттарда айқындалады.

в) Жер участкесінің кадастрық (бағалау) құны немесе жердің нормативтік құны; Бұл жағдайда жер участкесінің кадастрық (бағалау) құнын жер ресурстарын басқару жөніндегі аумақтық орган мемлекеттің жеке меншікке өтеулі негізде беретін жер участкелері үшін төлемақының базалық ставкаларына сәйкес, оған түзету коэффициенттерін қолдана отырып белгілейді.

г) Жер участкесінің нарықтық құны; Яғни меншік иесі жер участкесін сатқан немесе жалға берген кезде, мемлекеттік емес жер пайдаланушы өзіне тиесілі жер пайдалану құқығын басқа тұлғаларға оқшаулаған кезде, сондай-ақ ол жер участкесін кейінгі жер пайдаланушыларға жалға берген кезде жер участкелері үшін төлемақының мөлшері Қазақстан Республикасының азаматтық заңдарына сәйкес сату-сатып алу немесе мүлік жалдау шарттарымен айқындалады. Қазақстан Республикасының Азаматтық кодексінің 385, 438,

546-баптарына сәйкес, шарттың орындалуы тараптардың келісімімен белгіленген баға бойынша төленеді деген.

**Жер салығы** Қазақстан Республикасына 1990 жылдардан бастап енгізілді. 1991 жылы маусымда ең алғаш рет жер туралы заң қабылданды. Жер салығының мөлшері келесі көрсеткіштерге байланысты:

Жер участекінің орналасқан жері;  
Жердің құнарлығы – бонитет жер құнарлығының көрсеткіші;  
Жер участекінің сумен қамтамасыз етілу деңгейі;  
Жер салығының мөлшері жер участекінде жүзеге асырылатын шаруашылық қызметке байланысты емес.

Салық кодексінің 324-бабына сәйкес келесі тұлғалар салық төлеуден босатылады:

- Бірыңғай жер салығын төлейтін тұлғалар. Бұл салықты ауылшаруашылығы тауар өндірушілері төлейді.
- Мемлекеттік мекемелер. Мектептер, ауруханалар, яғни толық мемлекеттік бюджет есебінен ұсталатын тұлғалар;
- Жер қойнауын пайдаланушылар;
- Қылмыстық жазаны жүзеге асыратын мекемелер, колонналар, тұрмелер, СИЗО т.б.;
- Ұлы Отан соғысына қатысқан тұлғалар және оларға теңестірілген азаматтар;
- Барлық топтағы мүгедектер немесе осы топқа жатқызылған тұлғалар;
- Көп балалы аналар, алтын алқа иелері;
- Үй іргесіндегі қосалқы өзіндік шаруашылықты жүзеге асыратын тұлғалар, бағандық және саяжай құрылышына байланысты т.б.
- Діни ұйымдар. Мысалы: мешіт.

**Жер участекерін сату-сатып алу тәртібі.** Жер участекерін сату-сатып алу тәртібі Қазақстан Республикасы тиісті зандармен және заңға негізделген нормативті актілерімен реттеліп, жүзеге асырылып отырады. Атап көрсететін болсақ, 20 маусым 2003 жылы қабылданған Қазақстан Республикасының Жер Кодексі, сонымен қатар, Қазақстан Республикасының осы заң негізінде шығарған қаулылары жатады. Олар: Жер участекері жеке меншікке берілген кезде, мемлекет немесе мемлекеттік жер пайдаланушылар жалға берген кезде олар үшін төлемақының базалық ставкаларын, сондай-ақ жер участекерін жалдау құқығын сату төлемақысының мөлшерін бекіту туралы Қазақстан Республикасы Үкіметінің 2003 жылғы 2 қыркүйектегі № 890 қаулысы, Жер участекін немесе жер участекін жалдау құқығын сату жөніндегі сауда саттықты /конкурстарды, аукциондарды/ ұйымдастыру және өткізу ережесін бекіту туралы Қазақстан Республикасы Үкіметінің 2003 жылғы 13 қарашадағы №1140 қаулысы, Ауыл шаруашылық мақсатындағы жер участекеріне әкімшілік аумақтық бірліктер бойынша жеңілдетілген бағаның мөлшерін бекіту туралы Қазақстан Республикасының 2003 жылғы 10 қыркүйектегі № 918 қаулысы, Шаруа /фермер/ қожалығын жүргізу үшін Қазақстан Республикасының азаматына, тауарлы ауыл шаруашылығы өндірісін жүргізу

үшін Қазақстан Республикасының мемлекеттік емес занды тұлғасында және оның үлестес тұлғасында жеке меншік құқығында, сондай-ақ тауарлы ауылшаруашылығы өндірісін жүргізу үшін шетелдіктерге, азаматтығы жоқ адамдарда және шетелдік занды тұлғаларда уақытша жер пайдалану құқығында болуы мүмкін ауылшаруашылығы мақсатындағы жер участеклерінің бір әкімшілік ауданың аумағындағы шекті мөлшерін бекіту туралы Қазақстан Республикасы Үкіметінің 2003 жылғы 22 қазандағы №1071 қаулысы.

Мемлекет жер участексіне жеке меншік құқығын берген кезде немесе уақытша өтеулі жер пайдалану құқығын сатқан кезде, жер үшін төлемақының базалық ставкалары келесі жағдайларда қолданылады:

1. Жер участеклерін немесе жер пайдалану құқығын кепілге қойып, несие алған жағдайда жерді бағалау үшін;

2. Жер участеклерін немесе жер пайдалану құқығын шаруашылық серіктестіктердің жарғылық қорларына жарна ретінде не өндірістік кооперативтерге пай ретінде берген жағдайда;

3. Меншік иесін жер участексіне меншіктің жалпы үлесінен бөлу кезінде жер үлесінің құнын белгілеу үшін;

4. Жер участеклерін немесе пайдалану құқығын шаруашылық жүргізуші субъектілердің активтеріне енгізген кезде және жер участексінің немесе жер пайдалану құқығының құны тараптардың келісімімен белгіленуі мүмкін болмаған өзге де жағдайда, олардың құнын бағалау үшін;

5. Жеке меншік немесе пайдалану құқығындағы нақтыланған жер участекі үшін салынатын салық мөлшерін анықтау үшін;

6. Жер участексін немесе жер пайдалану құқығын сауда саттықта сатқан жағдайда жер участексінің бастапқы бағасын анықтау үшін;

7. Жер участексінің кадастрық /бағалау/ құнын анықтау үшін.

Жер участексінің кадастрық /бағалау/ құны жердің санатына және олардың нысаналы мақсатына байланысты анықталады:

- Қазақстан Республикасының азаматтарына жеке меншікке өзіндік үй (қосалқы) шаруашылығын жүргізу, бағандық және саяжай құрылысы үшін тегін берудің белгіленген нормаларынан артық берілген қосымша жер участеклерінің бағалау құны бағаланатын участеклерге неғұрлым жақын орналасқан ауылдық елді мекендердің жер участеклері үшін төлемақының базалық ставкаларына негізделе отырып, айқындалады.

- Елді мекендердің шегінен тыс орналасқан, азаматтарға және мемлекеттік емес занды тұлғаларға құрылыс жүргізу үшін берілген (берілетін) немесе үйлер (құрылыстар, ғимараттар) мен олардың кешендері салынған жер участеклері бойынша, үйлердің (құрылыстардың, ғимараттардың) пайдаланылу мақсатына сәйкес қызмет көрсетуге арналған жерлерді қоса алғанда оларды бағалау құны облыстық маңызы бар қалаларда аталған мақсаттар үшін берілген (берілетін) жер участеклері үшін төлемақының базалық ставкаларының он проценті мөлшеріне негізделе отырып айқындалады.

- Астана қаласының, республикалық маңызы бар қалалардың, облыс орталықтарының маңындағы аймақта және курортты аймақта орналасқан елді

мекендерде жеке меншікке берілетін жер участекері үшін төлемақының базалық ставкалары екі есе арттырылады.

Қазақстан Республикасы Үкіметінің 2003 жылғы 2 қыркүйектегі қаулысына сәйкес келесі жағдайлар анықталған:

1. Жер участекерінің жеке меншікке берілген кезде олар үшін төлемақының базалық ставкалары;
2. Мемлекет немесе мемлекеттік жер пайдаланушы жер участекерін жалға берген кездегі олар үшін төлемақының базалық ставкалары;
3. Жер участекерін жалдау құқығын сату төлемақысының мөлшері.

Аталған қаулыға сәйкес, жер участекерін жеке меншікке құрылым салуға немесе оларға қызмет көрсетуге арналған жерлерді қоса алғанда, ғимараттар мен олардың кешендері салынған жерлерді берген кезде олар үшін төлемақының базалық ставкалары әрбір шаршы метр үшін анықталады. Мысалы: Астана қаласы үшін 1 шаршы метр 1180 теңге, Алматы қаласы үшін 4800 теңге, Қарағанды қаласы үшін 1660 теңге т.с.с. Яғни, накты көріп отырғанымыздай, елді мекендердің аумағын бағалауына жер участекесінің орналасуы, инженерлік жабдықтар мен жайлыштық деңгейі, мәдени-тұрмыстық мақсаттағы объектілердің болуы, аумақтық ландшафтық қазынасы, қоршаған ортаның жай-күйі, қаланың инфрақұрылымы мен маңыздылығы сияқты факторлар әсерін тигізіп отыр. Ал, ауыл шаруашылығы мақсатындағы жер участекерін жеке меншікке берген кезде олар үшін төлемақының базалық ставкасы әрбір гектар үшін анықталады. Сонымен бірге, ауылшаруашылығы мақсатындағы жер участекесінің төлемақы мөлшерін анықтауда ауылшаруашылығы алқаптарының түрлері, олардың сумен қамтамасыз етілуі, топырақтың тауға жапсарлас болуы, топырақтың типтері, яғни қара топырақты шайылған қарапайым болатын болса, Ақмола облысы бойынша бір гектар егістік жер - 49400 теңге, топырағы қызыл қоңыр болса - 18100 теңге, егер аталған егістік суармалы болатын болса, қара топырақты жер үшін - 71900 теңге, ал топырағы қызыл қоңыр болса - 46900 теңге т.с.с. Қазақстан Республикасы Жер кодексіне сәйкес, ауыл шаруашылық алқаптарына егістіктер, тыңайған жерлер, көп жылдық екпелер егілген жерлер, шабындықтар мен жайылымдар жатады. Ауылшаруашылық мақсатындағы жер участекерін жеке меншікке берген кезде олар үшін төлемақының базалық ставкаларын анықтайтын Үкіметтің қаулысына сәйкес, жеке меншікке берілетін егістік, суармалы егістік, шабындық пен жайылым үшін ғана төленетін төлемақының базалық ставкалары белгіленген. Егер Қазақстан Республикасының азаматы ауыл шаруашылық қызметін жүзеге асыру барысында жеке меншігіне тыңайған жерлер немесе көп жылдық екпелер егілген жерлерді сатып алғысы келген жағдайда олардың құны қалай анықталады деген сұрақ туындайды. Сол себепті аталған ауылшаруашылық алқаптары үшін төленетін төлемақының базалық ставкаларын занды тұрғыдан анықтау мақсатында Үкімет қаулысына өзгерістер толықтырулар енгізу қажеттігі туындалап отыр. Яғни, жеке меншікке немесе жер пайдалануға берілетін тыңайған жерлер немесе көп жылдық екпелер үшін бөлек төлемақының базалық ставкаларын анықтау қажет немесе анықталу тәртібін

қарастыратын ескертпе жасалуы тиіс. Бұл жағдайда, аталған ауылшаруашылық алқаптарын бағалауда ескерілетін мән-жайлармен қатар, көп жылдық екпелердің жасы, олардың түрлері мен сорттары тыңайған жерлердің тыңау ұзақтығы ескерілуі қажет.

Түзету коэффиценттері мен аймақтардың шекаралары аудандық маңызы бар қалаларда, кенттер мен селолық елді мекендерде – аудандық атқарушы органдардың ұсынысы бойынша аудандық өкілді органдардың, ал облыстық маңызы бар қалаларда (Астана және Алматы қалаларында) облыстық (Астана және Алматы қалалық) атқарушы органдарының ұсынысы бойынша облыстық (Астана және Алматы қалалық) өкілді органдардың шешімімен бекітіледі.

Мемлекет ауылшаруашылығы өндірісін жүргізу үшін беретін жер участеклеріне кадастрық бағалау құнын айқындау кезінде жер участексерінің сапалық жай-күйіне, орналасуына, қызмет көрсету орталығынан қашықтығына байланысты түзету коэффициенттерін қолданады. Қолданылған коэффициенттер арттыратын немесе керісінше кемітетін болуы мүмкін. Жер участексерінің сапалық жай-күйі алқаптардың түрі мен топырақтың ұлгісі бойынша жер-кадастр карталары, топырақ, геоботаникалық, топырақ-мелиорация және басқа зерттеу материалдары негізінде анықталады.

Түзету коэффициенттері егістік құрамында пайдаланатын жер участексерінің құнын белгілеу үшін оның мелиорациялық жай-күйі мен жер бетінің еңістігіне қарай келесідей жағдайларда қолданылады:

- егер жердің мелиорациялық жай күйі жақсы болса, яғни, топырағы тұзды емес және сортаң емес, тассыз, эрозияға ұшырамаган; жер асты суларының терендігі: тұщы су – 3 метрден астам, минералды су – 6 метрден астам болса – 1,2 коэффициенті қолданылады;

- егер қанағаттанарлық болса, яғни, топырағы аздаған тұзды, сортаңдау, тасы аз, аздаған эрозияға ұшыраған; минералдануы төмен жер асты суларының терендігі 3-6 метр болса – 0,9 коэффициенті қолданылады;

- егер топырақтың жай-күйі қанағаттанарлықсыз – топырағы орташа және аса тұзды, орта және аса сортаң, тастақ, орта және күшті эррозияға ұшыраған болса, онда 0,6 түзету коэффициенті қолданылады. Сонымен қатар, жер бетінің еңістігі 1 градусқа дейін – 1; 1-ден 3 градусқа дейін – 0,93; 7 градустан астам - 0,86 коэффициенттері қолданылады.

Табиғи жем-шөп алқаптары құрамында пайдаланылатын жер участеклерінің, жақсартылған шабындықтар мен жайылымдардың құнын айқындау үшін келесідей түзету коэффициенттері қолданылады:

- көп жылдық шөп егіліп, түбегейлі жақсартылған болса – 1,2;
- өсімдік жамылғысының түр-құрамын өзгерпей, беткі қабаты жақсартылған болса – 1,1;
- шабындықтың жай-күйі жақсы, яғни, ластанбаған, бұта-шілік баспаған, ағаш өспеген, тассыз, аймақтық өсімдіктердің белгілері жақсы байқалатын жер участексі болса – 1,2 коэффициенті;
- шабындық ластанған, бұта-шілік басып кеткен, ағаш өскен, тастақ, өсімдік жамылғысының аймақтық құрылымы бұзылған жер участексі болып, нәтижесінде сапалық жай-күйі қанағаттанарлық болса – 0,9; Сонымен қатар,

жер бетінің еңстігі 3 градусқа дейін – 1; 3,1-ден 6 градусқа дейін – 0,9; 6,1-ден 10 градусқа дейін – 0,9; 10,1-ден 20 радиусқа дейін – 0,85; 20 радиустан астам болса – 0,5 коэффициенті қолданылады.

Жайылымдық жердің жай-күйі үшін де шабындық жерлеріне белгіленетін коэффициенттер қолданылады. Бірақ жер қабатының еңстігі 12 градусқа дейін болса – 1; 13-тен 20 градусқа дейін – 0,8; 20 радиустан жоғары – 0,6 коэффициенті қолданылады.

Сонымен бірге, жердің бағалау құнын анықтауға жер участекінің суландырылуы және шаруашылық жүргізу орталығынан қашықтығының да әсері бар. Егер жер участекі сумен қамтамасыз етілген жағдайда, 1,2 коэффициенті, ал көрініше 0,8 коэффициенті қолданылады. Жер участекінің шаруашылық орталығына қатысты орналасуына қолданылатын коэффициенттер қашықтықтың километрге байланысты қолданылады. Яғни, 5-ке дейін – 1,2; 5-тен 10-ға дейін – 1; 10-нан 20-ға дейін – 0,9; 20-дан 30-ға дейін – 0,8; 30-дан астам – 0,7. Ал, жер участекінің қызмет көрсету саласынан қашықтығы және жолдардың сапасына қарай жер участекінің құнын белгілеуде километрмен өлшенетін қашықтығы және жолдардың тас жол, қырышық тас төсеген жолдар немесе жай жолдар болуы жер участекінің кадастрық /бағалау/ құнын анықтауда түзету коэффициенті ретінде қолданылады.

Егер жер участекінің кадастрық құнын арттыратын немесе кемітетін факторлар көп болған жағдайда коэффициенттер көбейтіледі, бірақ ауылшаруашылығы өндірісін жүргізуге арналған жер участекінің кадастрық /бағалау/ құнын арттырудың немесе кемітудің жалпы мөлшері Қазақстан Республикасының Үкіметі белгілеген жер үшін төленетін төлемақының базалық ставкасының 50 процентінен асып кетпеуі тиіс. Жоғарыда көріп отырғанымыздай, жер участекінің кадастрық /бағалау/ құнын анықтау барысында жер үшін төленетін төлемақыға қолданылатын түзету коэффициенттері тек егістік жерлері және шабындықтар мен жайылымдар үшін анықталған. Ал ауылшаруашылығы алқаптары құрамына енетін көп жылдық екпелер және тыңайған жерлер үшін нақты анықталмаған.

Жерге ақы төлеудің бағы бір нысаны – жерді жалдау ақысы болып табылады. Жалдау қатынастары біздің заманымызға дейін 2000 жылдары пайда болған және оның заты ретінде жер участекі танылған. Кейін жалдау объектісі ретінде тек қана жерға емес, сонымен бірге, ғимараттар, құрылыштар, барлық заттар, тіпті ядролық энергетикалық кешендер де таныла бастады. Жалдауға қажеттіліктің өсуі, жалдаудың қарапайым қаржылық мәміле екендігімен түсіндіріледі. Жалдаудың түсінігі ең алғашқы мәмілелер жасалуы басталған кезден әлі өзгермеген: бір тарап белгілі бір мүлікті жалға бергені үшін төлемақы алады, ал екінші тарап жалға алушы мүлікті пайдаланғанынан кіріс алады және ол мүлікті сатып алу үшін шығындалмайды. Ойға бай іскер тұлғалар көп уақыт бойы жалдаудың бастапқы нысандарын дамытуға ат салысып келеді. Жалдаудың, әрине қарапайымдылық нысаны сақталған, бірақ сарапшылардың айтуы бойынша ерекше жайлыштыққа ие болған. Әмбебап азаматтық құндылық және адамзат

ойының ерекше жетістігі ретінде жалдау тек қана жайлыш емес, сонымен бірге, нарықтық жағдайға өту барысындағы қоғам үшін объективтік қажеттілік болып табылады. Жалдаудың пайда болуы әрбір азаматтың дербес кәсіпкерлікке құқығын жүзеге асырудың табиғи салдары. Көптеген елдерде жалдаудың еркін етек жайып өндірісті ұйымдастырудың, ол мүлікті жеке меншікке берумен салыстырғанда бірдін-бір ұтымды әдісі ретінде танылуы тегін емес. Қазақстан Республикасының эволюциялық нарықтық экономикасының қалыптасуының позитивтік жақтарының болуы да жалдауға сәйкес баға бермегендіктен болып отыр.

Жалпы жалдау (аренда) дегеніміз – латын тілінен аударғанда жалға алу немесе белгілі бір шарттармен мүлікті беруге шарт жасау деген түсінікті білдіреді. Жалдаудың әдеттегі анықтамасы бір тараптың /жалға берушінің/ екінші бір тұлғаға /жалға алушыға/ белгілі бір мүлікті ақылы түрде уақытша пайдалану мен иеленуге беруі. Қазақстан Республикасында нарықтық жағдайға өтуге байланысты әртүрлі меншік нысандарының пайда болуы, шаруашылық етуші субъектілердің және олардың нысандарының көбеюі жалдауды шектемейді, керісінше, оның әрі қарай дамуына алғышарт ретінде танылады.

Жер участкесін жылжымайтын мүлік ретінде және негізгі өндіріс құралы ретінде жалдау нысанына келесідей негізгі қағидалар тән:

- Жер участкесінде шаруашылық етуші субъектінің алмасуы, яғни, жер участкесін жалға алушының иелігіне беруі. Бұл жағдайда жер участкесінде еңбек етушіге жер участкесін иелену, пайдалану және еңбек нәтижесіне билік ету құқығы беріледі;

- Жалға алынған жер участкесін меншік иесіне заттай түрде қайтаруы; Осыған сәйкес, жалға беруші мен жалға алушы тұлғаның арасында жер айналымы туындаиды;

- Жер участкесін жалға алудың ақылығы. Бұл жағдайда салық салудың жүйесін белгілеу үшін объективтік негіз пайда болады;

- Жер участкесін жалға беруші мен жалға алушының жер участкесін ұтымды және нысаналы пайдалануға байланысты өзара занды жауапкершілігі;

- Жер участкесін жалға беруші мен жалға алушының арасындағы шарттық қатынастардың қалыптасуы және тараптардың теңдігі. Сонымен бірге, жалға алушының жер участкесін ұтымды пайдалануымен қатар, толық шаруашылық дербестік беріледі.

Жалдау жүйесін қалыптастыру көптеген жалдау түрі, жалдау мерзімі, жалға алушының шаруашылық және экономикалық дербестігі сияқты шарттарға байланысты. Жер участкесін жалға алушының экономикалық дербестігі жалға берушінің берген құқықтарының көлеміне байланысты болады. Сонымен қатар, жалдау нысаны мен түрі жалдау қатынастарына қатысушыларға байланысты. Қазіргі жаңа жер зандарына сәйкес, жалдау қатынастары екі деңгейде дамып отыр. Алғашқысы, жер меншік иелері мен жалға алушылардың арасында пайда болады. Бұл жалдау түрін еркін жалдау және көлденен қатынастар деп атасақ болады және бұл жағдайда жерді жалдау ақысы занда өзгеше көзделмесе, тараптардың келісімімен жер участкесінің

нарықтық құнына байланысты анықталады. Аталған қатынастарды реттеу барысында экономикалық реттеу әдістері басым қолданылады. Меншік иесі жер участекін сатқан немесе жалға берген кезде, мемлекеттік емес жер пайдаланушы өзіне тиесілі жер пайдалану құқығын басқа тұлғаға сатқан кезде, сондай-ақ ол жер участекін кейінгі жер пайдаланушыларға жалға берген кезде жер участекелері үшін төлемақының мөлшері, мерзімдері мен нысаны Қазақстан Республикасының азаматтық заңдарына сәйкес сатып алу-сату немесе мүлік жалдау шарттарымен айқындалады. Екінші жағдайда, жалдау қатынастары мемлекет немесе мемлекеттің мұддесін білдіретін мемлекеттік органдар мен жер участекін жалға алушылар арасында пайда болатын тік қатынастар. Бұл жағдайда жер участекін жалдау ақысы Қазақстан Республикасы Үкіметінің қаулысына сәйкес анықталады.

Жалдау мәмілелерін ұйымдастыру барысында орталық және маңызды буынды экономикалық негізделген жалдау ақысы алады. Жалдау ақысы дегеніміз – жер участекін жалға беруші мен жалға алушының арасындағы экономикалық қатынастардың нысаны. Жалдау ақысын төлеу жалдаушының ең негізгі басты міндеттерінің бірі болып табылады.

Жалға алынған мүлікті пайдалану үшін төлемді, егер заң актілерінде өзгеше көзделмесе, шартта белгіленген тәртіп, мерзім мен нысан бойынша жалға алушы төлейді. Шартта олар айқындалмаған жағдайларда салыстырмалы мән-жайларда әдетте сол секілді жер участекін жалға алған кезде қолданылатын тәртіп, мерзім мен нысан деп есептеледі.

Төлем барлық жалданылған жер участекі үшін тұтас немесе оның құрамдас бөліктерінің әрқайсысы бойынша жеке:

Мерзімдік немесе біржолғы енгізілетін төлемдердің тұрлаулы сомасында белгіленген;

Жалданылған жер участекін, онда орналасқан жылжымайтын мүлікті, жер участекінен алған өнімді, жемістерді немесе өзге кірістерді пайдалану нәтижесінде алынған белгілі бір үлес;

Жер участекін жалға алушының белгілі бір қызмет көрсетулері;

Жалға алушының шартта келісілген жер участекін жалға берушінің меншігіне немесе жалдауына беруі;

Жалға алушыға жалданылған жер участекінің топырағының құнарлығын жақсарту жөнінде шартта келісілген шығындарды жүктеуі түрінде белгіленеді.

Орталықтандырылып белгіленген баға мен тарифтер өзгерілген жағдайда тараптардың біреуінің талабы бойынша төлем мөлшері қайта қаралуы мүмкін.

## 7. Жер дауларын шешу

Жер даулары дегеніміз – жер қатынастары екі немесе бірнеше субъектілер белгілі бір жер құқықтары мен заңды мұдделерін иеленуге қамтамасыз етуге және жүзеге асыруға байланысты келіспеушілік жер дауларын меншік құқығының және жер пайдалану құқығының, жерге өзге де құқықтардың өзгеруі тоқтатылуы және жүзеге асыру бойынша туындайды. Жер дауының субъектілері жер участекінің меншік иелері, жер пайдаланушылар, жерге

басқа да құқықтардың (сервитут, кепіл) иеленушілері сонымен қатар жеке тұлғалар мен жеке жер қатынастарын мемлекеттік басқару органдары және басқа да мемлекеттік органдар болады. Сонымен қатар жер дауы жер қатынастарын реттеуші мемлекеттік органдар арасында да пайда болуы мүмкін. Жер дауларын жіктеу әртүрлі негіздерге байланысты жүзеге асырылады:

- Қарастыру тәртібі бойынша;
- Сипаты бойынша;
- Даудың субъектісі бойынша;
- Пәні бойынша.

1. Қарастыру тәртібі мен сипаты бойынша:

- сот тәртібімен қарастырылатын жер даулары;
- сотқа дейін қаралуды талап ететін жер даулары;
- сотта қаралуды талап етпейтін жер даулары.

2. Субъектісі бойынша:

- азаматтар арасындағы жер даулары;
- азаматтар мен занды тұлғалардың арасындағы жер даулары;
- азаматтар, занды тұлғалар, мемлекеттік өкілетті органдар арасындағы жер даулары.

3. Объектісі бойынша:

- жер участкерімен байланысты жер даулары;
- жер участкесіне құқықпен байланысты жер участкері;
- жерге басқа да құқықтармен байланысты жер даулары.

4. Жер дауының сипатына байланысты:

- жер участкерін берумен байланысты жер даулары;
- жер участкесін беру процесінде пайда болатын жер даулары.

Соттардың жер зандарын қолдануының кейбір мәселелері туралы Қазақстан Республикасы Жоғарғы Сотының 2007 жылғы 16 шілдедегі № 6 нормативтік қаулысына байланысты соттар төмендегідей талаптардан тұратын дауларды қарайды:

- жер участкерін беру және оларды алып қою туралы (Жер кодексінің 2, 3, 4, 5, 9-тaraулары);
- жер участкерін алып қоюға байланысты шығындарды өтеу туралы (Жер кодексінің 2 және 20-тараулары);
- меншік құқығы және жер пайдалануды даулау туралы (Жер кодексінің 3 және 4-тараулары);
- Әкімдердің жер участкерін беру тәртібіне шағымдану туралы (Жер кодексінің 43-47-баптары);
- кепіл шартына шағымдану туралы (Жер кодексінің 8-тарауы);
- Жер кодексінің 92, 93, 94-баптарына сәйкес, жер участкерін алып қою туралы;
- сервитут белгілеу немесе тоқтату туралы (Жер кодексінің 7-тарауы);
- жер участкесіне меншік құқығын немесе жер пайдалануын күэландыратын мемлекеттік актілерді тіркеуден және беруден бас тарту және тағы басқалары туралы талаптар.

Қазақстан Республикасы Азаматтық кодексінің 117-бабының 1-тармағына сәйкес, жер участекелері жылжымайтын мүлікке жатады. Осыған байланысты жер участекелеріне құқық туралы талап арыздар Қазақстан Республикасы Азаматтық іс жүргізу кодексінің 33-бабының бірінші бөлігіне сәйкес, олардың орналасқан орны бойынша сотқа берілуі тиіс. Соттар істі сот талқылауына әзірлеген кезде тараптардың өзара қатынасының сипатын, даулы құқықтық қатынастың туындау себебін және уақытын анықтауы, тараптардың жер участекесіне құқығын белгілейтін және құқықты куәландыратын құжаттар беруін талап етуі керек.

Олардың негізінде азаматтар және занды тұлғалардың жер участекесіне тиісті құқықтары (жеке меншік құқығы, жер пайдалану құқығы, сервитуттар және жер участекесіне өзге де заттық құқықтар) туындастырылған құжаттар жер участекесіне құқық белгілейтін құжаттар болып табылады. Оларға, атап айтқанда, әкімдердің жер участекесіне құқық беру туралы құқықтық актілері, сатып алу-сату шарттары (айырбастау, сыйфа тарту немесе жер участекесін иеліктен шығару туралы өзге де мәмілелер) және жер участекесіне жеке меншік құқығын, жер пайдалану құқығын және жерге өзге заттық құқықтарды тану туралы сот шешімдері жатқызылуы мүмкін.

Құқық белгілейтін құжаттардың негізінде жер участекелерінің меншік иелеріне және жер пайдаланушыларға жер қатынастары жөніндегі уәкілетті орган берген жер участекесінің ұқсастырылған сипаттамаларын көрсететін құжаттар жер участекесіне құқықты куәландыратын құжаттар болып табылады. Құқықты куәландыратын құжаттарға жер участекесіне жеке меншік құқығы актісі, тұрақты жер пайдалану құқығы актісі және уақытша (өтеулі, өтеусіз) жер пайдалану құқығы актісі жатады. Құқықты куәландыратын құжаттарды жер қатынастары жөніндегі уәкілетті органғана береді.

## **Бақылау сұрақтары**

1. Жер қатынастарын реттеу саласындағы мемлекеттік органдардың функцияларының жүйесі.
2. Жер кадастрының түсінігі, жер-кадастрлік құжаттар, кадастр жүргізу тәртібі. Жерге құқықтарды мемлекеттік реттеу.
3. Жер мониторингінің түсінігі, құрылышы, мазмұны.
4. Жерге орналастырудың түсінігі, оның функциясы, міндеттері, жерге орналастыру процесінің кезеңдері және оның мазмұны.
5. Жерлерді қорғау және ұтымды пайдалануға мемлекеттік бақылау жасаудың міндеттері мен мақсаттары.
6. Жерге ақы төлеу.
7. Жер салығы бойынша женілдіктер.
8. Жер дауларын шешу.

## **Тест сұрақтары**

- 1. Жерді қорғауға және ұтымды пайдалануға бағытталған шаралар**

**жүйесі, бұл:**

1. жерге орналастыру;
2. сервитут;
3. кадастр;
4. ипотека;
5. жер мониторингі.

**2. Жердің табиғи шаруашылық жағдайы туралы мәліметтер жүйесі, бұл**

1. кадастр;
2. кондоминум;
3. жерге орналастыру;
4. ипотека;
5. жер мониторингі.

**3. Жер кадастр ісі, жүргізіледі?**

1. әрбір жер участкесі бойынша;
2. әрбір жер пайдаланушы - жеке тұлға бойынша;
3. әрбір әкімшілік-аумақтық бойынша;
4. әрбір жер санаты бойынша;
5. әрбір жер пайдаланушы - занды тұлға бойынша.

**4. Жер мониторингісі байқауды қамтымайды:**

1. ағаштың сапалық жағдайы;
2. топырақ жағдайы;
3. топырақ элементінің жағдайы;
4. топырақ ылғалының жағдайы;
5. топырақ эрозиясының жағдайы.

**5. Су қорының жер мониторингісі келесі байқауды қамтиды:**

1. топырақ ылғалының жағдайы;
2. судың ластануы;
3. судың химиялық ластануы;
4. судың жағдайы;
5. судың сарқылуы.

**6. Орман қорының жер мониторингісі келесі байқауды қамтиды:**

1. орман және орманды емес алаңдарының өзгеруі;
2. бұтақтардың сапалық жағдайы;
3. ағаш сөлін дайындау көлемі;
4. жабайы өсімдіктерді дайындау көлемі;
5. орман фаунасының жағдайы.

**7. Жердің өзгеріс жағдайын уақытында анықтау:**

1. жер мониторингі;

2. жерге орналастыру;
3. жерге орналастыру процесі;
4. жер кадастры;
5. экологиялық сараптама.

### **8. Жерге орналастыру дегеніміз:**

1. жерді ұтымды пайдалану мен қорғауды ұйымдастыруға бағытталған шаралар жүйесі;
2. жер жағдайын бақылау жүйесі;
3. жер зандарын бұзушыларға қолданылатын жазалау шараларының жүйесі;
4. жердің шаруашылық және өзге табиғи жағдайы туралы мәліметтер жүйесі;
5. шаруашылық және өзге қызметтің экологиялық талаптарға сәйкестігі.

### **9. Жерге орналастыру процесі дегеніміз:**

1. жер қатынастарын реттеуге бағытталған атқарушы биліктің шаралардың жүйесі;
2. жер жағдайын бақылау жүйесі;
3. жерді ұтымды пайдалану мен қорғауды ұйымдастыруға бағытталған шаралар жүйесі;
4. жердің шаруашылық және өзге табиғи жағдайы туралы мәліметтер жүйесі;
5. жер салығын алу процесі.

### **10. Жер кадастры дегеніміз:**

1. жердің шаруашылық және өзге табиғи жағдайы туралы мәліметтер жүйесі;
2. жер жағдайын бақылау жүйесі;
3. жерді ұтымды пайдалану мен қорғауды ұйымдастыруға бағытталған шаралар жүйесі;
4. жер зандарын бұзушыларға қолданылатын жазалау шараларының жүйесі;
5. жер қорғау саласындағы бақылаушы органдардың әрекеті.

### **11. Жер мониторингісі дегеніміз:**

1. жер жағдайын бақылау жүйесі;
2. жерді ұтымды пайдалану мен қорғауды ұйымдастыруға бағытталған шаралар жүйесі;
3. жер зандарын бұзушыларға қолданылатын жазалау шараларының жүйесі;
4. жердің шаруашылық және өзге табиғи жағдайы туралы мәліметтер жүйесі;
5. жер меншік иелері мен жер пайдаланушыларды тіркеу.

**12. Жер аумағын оның нысаналы мақсаты мен пайдаланылу режимін белгілей отырып айқындау -**

1. жерді аймақтарға бөлу;
2. жерге орналастыру;
3. жерді қорғау;
4. жер кадастры;
5. жерді есепке алу.

**13. Жердің табиғи шаруашылық жағдайы туралы мәліметтердің жүйесі, бұл -**

1. жер кадастры;
2. жер мониторингісі;
3. жерге орналастыру;
4. сервитут;
5. жер реестрі.

**Әдебиеттер**

1. Архипов И.Г. Земельное право Республики Казахстан. – Алматы: БОРКИ, 1997. – 295 с.
2. Бектұрғанов Ә.Е. Қазақстан Республикасындағы жер құқық қатынастары. – Алматы: Жеті жарғы, 1997. – 240 б.
3. Стамқұлов А.С. Қазақстан Республикасының Жер құқығы. – Алматы: Заң әдебиеті баспасы, – 2005.
4. Хаджиев А.Х. Земельное право Республики Казахстан. Общая часть Учебное пособие - Алматы. 2001.
5. Абдраимов Б.Ж., Боголюбов С.А. Земельное право России и Казахстана: проблемы развития, процессуальные формы реализации. - М.: Юристъ, 2007. - 454 с.
6. Қазақстан Республикасының Президенті Н. Назарбаевтың “Жаңа әлемдегі жаңа Қазақстан” атты 2007 жылғы 28 ақпандағы Қазақстан халқына Жолдауы // Егемен Қазақстан. - 2007. - 1 наурыз.
7. Мухитдинов Н.Б., Есеналиев А.Е. Қазақстан Республикасы нарық жағдайында қоршаған ортаны қорғау саласындағы мемлекеттік басқару органдарының құқықтық негіздері. - Алматы, 2000. - 36 б.
8. Байдельдинов Д.Л. Правовой механизм государственного управления в области экологии. – Алматы: Қазақ университеті, 1998. – 98 с.
9. Иконицкая И.А., Краснов Н.И. Правовое регулирование рыночного оборота сельскохозяйственных земель // Право собственности на землю в сельском хозяйстве Российской Федерации. – М., 1996. – С. 83-88.
10. Дегтярев И.В., Осипов Л.И. Земельное право и земельный кадастр. – М.: юридическая литература, 1986. – С. 126-127.
11. Алчинбаева А.Н. Правовое регулирование ведения природных кадастров Республики Казахстан: Дисс. канд.юрид.наук. - Алматы, 2005. - 150 с.

12. Серикбаева Ш.Б. Государственная регистрация прав на землю в Республике Казахстан: проблемы теории и практики. – Учебное пособие. – Алматы, 2005.
13. Айгаринова Г.Т. Қазақстан Республикасының зандары бойынша жер төлемдері. - Оқу құралы. - Алматы: Юрист, 2008. – 1636.
14. Абдраимов Б., Жарылқасын Е. Возмещение экологического вреда по законодательству Республики Казахстан. - Алматы: Юрист, 2001. - 129 с.
15. Қазақстан Республикасы Үкіметі. Жер участкесін немесе жер участкесін жалдау құқығын сату жөніндегі сауда-саттықты (конкурстарды, аукциондарды) үйымдастыру және өткізу ережесін бекіту туралы: 2003 жылғы 13 қарашадағы қаулысы // Жер туралы заңнамалар: Нормативтік актілер жиынтығы. - Алматы: ЮРИСТ, 2004. - 42-53 бб.
16. Ластану участкелерінің мемлекеттік тізілімін жүргізу ережесін бекіту туралы Қазақстан Республикасы Үкіметінің 2007 жылғы 3 шілдедегі № 566 Қаулысы\\ Юрист анықтама жүйесі.
17. Қазақстан Республикасы Жоғарғы Сотының 2007 жылғы 16 шілдедегі Соттардың жер зандарын қолдануының кейбір мәселелері туралы № 6 нормативтік қаулысы \\ Юрист анықтама жүйесі.
18. Абдраимов Б.Ж. Земельные споры; порядок их разрешения в Республике Казахстан: Автореф. дис. канд. юрид. наук. – Алматы, 1995. – 24 с.